

寧國府志卷之八

直隸寧國府知府任丘黎晨校刊

人文紀上

人道亦大矣涵三毓五神智牖發故能彌綸理化
經緯人倫亮采有邦則敷時皇極淵潛泌水則光
照巖戶士行或生于閨闈豪傑自興於九民如其
文以禮樂亦可以爲成人矣豈與春華秋實方其
優劣哉易曰觀乎人文以化成天下寧國自故鄣
啓郡藉屬諸夏東晉以還衣冠萃止江左風流於

寧國府志卷八

一

斯爲盛夫生于斯宦于斯皆邦國之英也苟有德
義誰不其依予觀孔子刪詩上陳王公大人下逮
田夫里婦委巷謳吟靡不列諸風雅彼所取夫立
教云爾故苞總羣淑探蹟鈎遠以爲此篇

由漢迄元仕宣者浩乎不可勝紀也紀其有勞於
郡若邑者六十八人

東漢李忠字仲都東萊人以都尉奉光武起兵有
功封中水侯遷丹陽太守時海內初定南方多擁
兵據土忠招懷降附旬月皆平丹陽近越俗不好

學衰于禮遂爲起學校習禮容春秋鄉飲選用明經之士郡人嚮慕多墾田塘三歲間流民占籍者五萬餘口三公奏課爲天下第一
杭徐初試宣城長悉移林藪椎髻獬民置諸縣下由是境內無復盜賊

吳孫瑜字仲異堅之從子建安九年領丹陽太守爲衆所附至萬餘人加綏遠將軍後從權拒曹公于濡須遷奮威將軍領郡如故濟陰人馬普博學瑜厚禮之使將吏子弟受業立學官時臨講肄焉

諸葛恪字元遜瑾之子孫權拜爲撫越將軍丹陽太守丹陽山民屯聚劫掠恪到移書屬城令各保疆界明立部伍不得與賊交鋒後賊穀熟遂縱兵芟刈之山民饑困出降因加撫慰由是老幼携歸境內悉平以功拜威北將軍封都鄉侯程普字德謀右北平土垠人有計畧孫策以爲丹陽都尉居石城討宣城涇安吳陵陽春穀諸寇皆平之黃盖字公覆從孫堅父子征伐皆有功始爲春穀尋陽長所在平定轉丹陽都尉鋤强扶弱山越懷附

晉陶汪回之子有幹畧咸康中爲宣城內史招隱
逸廣學舍士民知嚮方者並辟爲椽吏百姓歌之
曰人當勤學得主簿誰復爲之陶明府桓彝字茂
倫譙國龍亢人漢五更榮之後性度高豁自弱冠
有知人之鑒明帝時爲散騎常侍温嶠言宣城阻
山帶川頻經變亂宜得重望如彝者居之乃補彝
內史在郡有惠政始築城鑿池爲藩捍計及蘇峻
反遂糾義兵首赴國難長史裨惠言郡兵寡弱山
民易擾可按兵以俟後舉彝厲色曰人臣見無禮

于其君者若鷹鷂之逐鳥雀今社稷危逼義無晏
安遣將朱綽討賊帥于蕪湖破之尋出石碓會官
軍敗峻兵長驅以進彝顧郡無堅城退據廣德戰
復敗慷慨涕泣進屯涇縣時州郡多降峻者裨惠
又勸彝僞和以紓交至之禍彝拒不從遣將軍俞
縱守蘭石縱爲峻將韓晃攻敗死之晃因進軍攻
彝固守經年辭氣壯烈城陷遂遇害時年五十三
諸子流迸宣城人紀世和率義故塋之賊平追贈
廷尉謚曰簡

宋羊玄保泰山南城人善奕棊品第三太祖與賭郡戲勝以補宣城太守先是劉式之爲宣城立吏民亡叛制一人不離符五里吏送州作部若獲者賞位二階玄保以爲非宜陳之由是制停玄保廉素寡欲爲政雖無幹績而去後見思王志字次道瑯琊臨沂人孝武末年以中書侍郎遷宣城內史清謹有恩惠郡人張倪吳慶爭田累年不決及志到官父老曰王府君有德政吾鄉里乃如是爭耶倪慶因相携請罪所訟地遂成閑田

齊王瑩字奉光瑯琊人爲中書侍郎給事黃門郎出爲宣城太守性清謹居官恭恪高祖深重之蕭勵字文約性不好弄喜怒不形于色初守淮南有善政遷宣城內史郡多猛獸勵到官獸患遂息謝眺字玄暉少好學有美名詩文清嚴明帝時以中書郎出爲宣城太守每視事高齋吟咏自若而郡亦治始玄暉未爲守時嘗曰煙霞泉石惟隱遁者得之宦遊而癖此者鮮矣及得宣城境中多佳景雙旌五馬遊歷殆遍詩曰高閣常晝掩荒階少諍

詞又云既懽懷祿情復叶滄洲趣至今人稱謝宣城

梁何遠字義方東海剡人天監中自武康令擢爲宣城太守郡經寇鈔遠盡心綏理好開途巷葺墻屋凡民居市里城隍廐庫所遇若營家焉田秩俸錢並無所取每歲暮擇民之尤貧者免其租調故所至皆爲立生祠表言政狀帝每優答之其公忠貞靖爲天下第一

隋王選開皇中爲宣州刺史始橋宛溪復卽州之

西北岡阜營以爲城後世賴焉張路斯景隆中爲宣城令在官墾土田通水利至今城北有張路斯田

唐裴耀卿字煥之初爲濟川刺史改宣州首務教化率父老行禮歌詩之白華華黍南陔以明孝子養親萬物遂性之義時有感泣者其爲政率尚寬厚號稱良吏崔璵字廷玉開元中爲宣州刺史薄稅歛以厚民闢學養士通商惠工州人安之班景倩開元中爲宣州刺史兼江南西道採訪使有風

力爲使踰年黜貪吏以百計竹承構開元末爲宣州刺史務戢姦宄黜貪黷境內以清與班景倩同風時有班竹之號崔惇復爲宣州刺史政務大體不事煩苛稱良吏焉薛邕字冲味大曆中爲宣州刺史嘗爲民築堰以資灌溉至今民稱薛公堰有崔巨去思頌王質字華卿通之五世孫也以散騎常侍出爲宣州刺史清白謹畏政先風俗在郡以惠愛稱裴休字公美濟源人擢進士賢良方正異等大中戊辰爲宣州刺史治不曠察吏民畏而信

之張邈爲宣州司功椽居官不受贈遺世稱廉吏使車交辟後陳簡甫記開元以來良吏邈居一焉崔陵字德長祐甫從子也由東陽簿轉南陵令性資介潔視贓污若仇讎先是民私屠牛鑄錢賊殺吏卒莫可禁陵嚴立約束有犯者輒屠之盜遂解吏籍民田糧不以實賦多逋陵悉覈而得之積逋以完李侗天寶中由太平長遷涇令行溫而恭政清而簡反躬而令行孝誠而化達二邑之民皆懷之後遷州長史卒遂葬于涇子孫因家焉廣德盜

起連陷城邑入涇獨不忍壞其廬招討使袁倬異之上其事詔贈宣州刺史裴錕永泰中爲涇令剛直慈惠民懷其德錕之後有韋煥保愛黎庶百里稱頌民皆塑像祀之范傳真字西老鄧州順陽人爲寧國令韋瓘稱其肅以檢姦廉以約身和以納民敏以應務物不夭落民得休泰常攝事南陵修復大農陂民賴其利

南唐林仁肇建陽人建隆三年由神武統軍爲寧國軍節度使始闢新城臨據溪山得形勢之便樓

櫓濠塹橋梁一時皆具

宋賈黃中開寶九年知宣州歲饑黃中出俸造糜粥飼之民賴全活者以千數又立弭盜法盜悉解散彭思永吉州人初爲侍御史以直言改司封員外郎知宣州時郡政隳弛歲復大歉永修紀綱撫凋瘵奏發官庾以活饑餓民無流亡奏課爲諸郡最馬遵至和間以御史謫守宣州多惠政及去郡軍民爭留之至以鐵鎖絕江遵夜絕鎖解舟而逝劉安節字原成温州人初從伊川游與弟安石齊

名由右史出知宣州爲政謹程式不事刑威遇下有禮人咸樂爲用猾胥至相戒曰神可欺公不可欺也大水後民苦疾疫安節治藥餌遍給之所活以萬計後以疾卒于官州人痛慕焉李光字太發紹興人建炎三年守宣時劇盜戚方破寧國縣進圍州城方與其副並馬巡圍指畫攻具光爲書射副馬前曰戚方窮寇天必加誅汝爲將家子何至附賊二人相疑攻得稍緩後急攻傅城列砲具立石對樓光編竹爲簾揭之砲至反墜不能傷又取

徑木爲撞竿倚女牆以禦對樓嘗置匕首于枕匣約家人曰城卒不可保我必死汝輩亦宜自殺閱二十八日賊退城竟全未幾以疾卒宣人上其事詔立廟賜額褒烈仍謚莊簡張果知宣州遭大水州城幾沒果抱州籍入水爲民祈免竟死城亦幸全州人哀之求果屍葬城北鐵冶里中立祠祀焉李椿字壽翁洛州永平人以父升恩澤補迪功郎歷官寧國軍節度推官治豪民僞券還陳氏田吏才精強人咸稱之紹興二十四年擢守本郡明年

徙知太平州任古定陶人紹興辛巳以御史直龍圖閣出守時虜衆四起古乃堅築城壘脩飭器械賊聞有備竟不入境後召赴行在民數千伏闕丐留不許李道傳字貫之隆州井研人嘉定中爲江東提舉督賑宣徽池三州窮冬行風雪中雖深村窮谷必至賴以全活者甚衆九年二月攝宣州守行朱熹社倉法人蒙其利後召對出知果州道卒王遂字去非莠陽人有文學淳祐元年以顯謨閣待制出守首革故弊定斗斛置義役奏罷坍塌逃

亡田稅嘗詣學宮督勵生儒及載酒出郊勞農各勸以文民甚德之後移知建寧杜範黃巖人初爲殿中侍御史嘉興三年差知寧國府始至大旱卽以便宜開常平倉又勸富人出粟助賑民賴以安初倉庫多空範到錢穀漸充悉以代輸下戶糧民歌之曰爲我父母前王後杜明年還朝後人爲建清獻樓寄去思之意胡宿字平武以集賢校理通判宣州時民有被誣殺人者獄具當死宿疑焉俄而假寐夢一人告之曰殺人者吳姓也遂引囚辟

左右訊之囚曰旦將之田吏執以赴官不知其他宿窮治得婦與吳姓姦因殺其夫謀執平人以告也其精誠格物如此李堅知宣城縣縣本水泉委匯每暑雨流潦輒傷禾稼堅乃峻爲之防稼以歲登汪涓字養源爲宣城尉垂滿時知州秦梓意涓必求薦涓終不爲意或問何以不求內翰陞陟涓曰一爲所薦則終身作秦客矣遂再爲判司一任梅正臣字均平宣城人堯臣弟也嘗爲和州防禦判官設策禽賊爲歐陽公所知後知南陵民輒因爭田啓訟乃先造版圖正經界由是吏民畏服因圖爲空郭堯淳熙中知南陵政尚慈仁嘗除工山坑冶之患復脩陂堰以資灌溉民用大悅魏杞字南夫壽春人紹興二十七年爲涇令政尚慈惠凡無名科費悉除之太平繁昌二縣獲賊宰尉欲希功賞日加煨煉賊輒誣涇民受寓贓物至檄取五十三家杞一無所遣已而眞盜與贓皆得之他縣先被誣者因獲縱歸林淳乾道八年爲涇令蒞事之日首訪三農利病邑有陳雷二古塘湮塞不治

且爲豪家分據卽議復之明年榜示鄉戶脩復古塘六百餘所農民利之劉誼湖州長興人淳熙三年爲涇尉涇俗勁黠誼疾惡如仇痛繩以法後以上疏論新法見謫隱居三茅山趙與糖知寧國縣德祐元年五月元兵至與糖出戰死之更有楊義忠者率遺民閉城拒守兩月亦戰而死詔贈與糖直華文閣陳樞湖州長興人嘉祐二年爲旌德令省刑薄稅爲民興利民甚宜之後以曾南豐論薦官至尚書練恣延平人元祐五年爲旌德令政務

簡易尤興學獎士邑子弟如汪解呂鏗輩皆其造就恣雅有清操人飲酒清者必曰此練長官酒也其見稱評如此李宏字彥恢宣城人宣和五年以左承直郎署旌德縣事時州郡多故調發旁午宏勦撥煩劇常有餘力召集鄉兵部署精明人樂爲用建炎初張遇寇江上進逼宣境郡守呂好問檄令防禦遇知有備不敢犯呂後薦其有文武才可大用紹興初郡守李光復檄署旌德蒞縣四載治官事如其家誅鋤豪猾興滯補弊營葺公宇規制

皆可爲後人法。趙時賞，德祐元年以南陵丞攝旌德縣事。元兵至時，賞擁民兵力戰，以功陞直寶章閣軍器太監。後從文天祥戰死。呂誨，字獻可，洛陽人。正惠公端之孫也。慶曆初爲旌德簿，治民主于愛利而禁姦暴。政稱公平，後立朝以直聞。汪襄，字公弼，績溪人。宣和中爲旌德尉，在官潔白愛民。教場草深，當去吏白下保市，取鐵爲鋤，襄曰：「何至擾民我家，幸不遠，卽遣人歸取之。」其靳惜民財類如此。嘗作捕虎行，後人傳誦之。孫覺，嘉祐中爲太平

令政先禮教，嘗引鄉弟子于庭，親爲講解經義，改建學宮于縣東。春秋釋奠，民用知學，風俗寢美。元劉耕孫，字存吾，茶陵州人。至正十五年爲寧國路推官，歲饑，嘗勸富民發粟賑之，所活以萬計。長槍賊鎖南班等攻寧國，耕孫分守城西南。日署府事，夜率兵乘城固守。會江浙行省遣參知政事吉尼哥兒來援，至則疲矣。城恃有援，不爲備。夜四鼓，賊攀堞而上，城遂陷。耕孫力戰而死。楊載，字仲弘，浦城人。由國史編修遷寧國路推官，有惠政，尤以

文學名世吳師道字正傳婺州蘭溪人由高郵丞調寧國路錄事歲大旱師道勸富人得粟三萬餘石又請于朝得粟四萬鈔三萬八千有奇以克賑費民賴存活者十餘萬人遷建德縣尹朱文魁字晦叔至元間爲涇尹初儒學故址爲僧所據文魁力復之黃朱二宣尉討涇賊于石門鄉文魁以身庇民民無兵擾在官六年以惠稱施正大至正間爲涇尹初縣在水西時有蕩嚙之患正大始徙治于水東功施百世呂良佐字唐臣爲涇尹廉幹慈

仁治民以信擢監察御史仕終廉訪使後朝廷延訪耆舊良佐與焉蘇濟字汝舟山東益州人延祐戊午爲涇尹諳練條章嘗爲民疏溝渠均賦役并修學宮鑄祭器復浮屠氏侵田以廩諸生民謠云四民藝業通縣官有蘇公又云三載民無憂賴有蘇汝舟趙孟頫爲撰德政記王相字吾素吉州廬陵人由翰林編修出爲涇尹首覈民田以見業爲準禁兼併均賦役民甚德之亦憐真字顯卿至正九年爲旌德達魯花赤兼勸農事自少名動京師

廉明有幹畧在縣興學育材治民禮神績效卓然
劉性字粹衷廬陵人至元初爲旌德尹廉明剛果
崇學剔弊在縣年穀屢登虎不入境

隋唐以後旣罷州刺史率以部使者監郡寧國實
爲宣歙諸使治所苟有惠政必首被焉今紀觀察
廉訪之有德於郡者六人

崔衍字著深天寶末刺蘇虢遷宣歙池觀察使爲
政簡靜不擾宣舊貢金錫十八品皆倍直市于他
州民困多逃去衍奏蠲之在鎮十年靳財惜費府

庫克物幕下辟署皆名士衍清儉畏法室無媵妾
所得祿稍輒以周窮乏親戚待以葬埋嫁娶者數
十家及卒不能自葬表諸朝賻帛三百段米粟稱
是後路使君奏衍治狀詔書褒美蔭一子爲官謚
曰懿穆贊字相明以儒學顯由饒州別駕擢宣歙
池觀察使先是劉贊刺宣竭州藏進奉以結主恩
贊死崔衍代之大有儲積及贊代衍府庫益克以
錢四十萬假民輸賦歲旱民無流逋焉路應字從
衆由屯田郎中遷宣歙池觀察使至則啓廩出糶

減常價之半以惠饑人居宣五年以疾去檢其倉庫得錢穀甚多沈傅師字子言由江西觀察使徙宣州明習吏治吏不敢欺尤慎重刑辟每斷獄召諸幕府評停輕重盡合乃論決嘗擇邸吏尹倫遲魯不及事或白易之曰可闕事不可多事倫如是足矣故所至以廉靖聞性夷粹無競所用寮佐李景儉蕭宜杜牧並極一時之選盧摯大德十一年爲廉訪使才行兼優威名籍甚尤好引接士類一時慕之鄧文原字善之綿州人有文學初授江南浙西道肅政廉訪司僉事延祐六年改江東道時轉運司官聽用鄉里譁狡動以犯法誣民而轉運司得專制有司凡五品以下皆杖決州縣莫敢誰何文原請罷其專司俾郡縣領之不報徽民謝蘭與姪回有隙蘭僕汪某者死回因賂汪氏誣蘭抵罪蘭誣服文原錄得其情釋蘭而坐回時久旱不雨獄決乃雨至治二年召爲集賢直學士

明興以來仕者可考而詳也今別其世次郡邑紀其賢者九十三人

本府洪武間知府陳灌廬陵人丙午年任到官首詢民隱延禮師儒初守庾吏相襲爲姦歲租不入官廩輒書虛籍以應上事發吏恟恟懼罪灌曰故弊未革耳遂刻期行視諸廩吏得先期實廩而弊亦革有數十人者坐劫麥舟當死灌察知其舟漂流傳岸衆因攫取之坐其首者一人餘從減論時水利未修旱潦繼作灌乃增築圩岸伐石爲斗門以時蓄洩田得無患又作戶帖以定版籍民甚便之後以其法詔行天下同知嚴觀嚴州人戊寅年

任以廉能稱永樂間知府宋獻冀州棗強人乙酉年由戶部郎中擢任首興學校慎修祀典在郡九年廉謹嚴明門無私謁民久益頌之武彥字仲美陝西人癸卯年由御史擢任質直剛斷政尚嚴敏屬吏畏服同知唐鏞廣東人剛斷有清操吏民畏服通判文敏澧州人甲申年由廣德知州謫任以勤敏幹濟稱宣德間知府鄧本道郴州宜章人壬子年由刑部郎中擢任寬廉有威不爲皦皦之行民亦蒙福後報政道卒推官尹崇高泰和人壬子

年由御史謫任剛果有爲論讞明捷吏民畏服後以均田爲宣州衛誣搆以去人咸惜之其後有王樞字克慎岷縣人由監生除任亦以廉明稱卒于官正統間知府表旭字廷輔江西樂安人初爲江津令元年以內閣輔臣薦任郡故多事旭應之恒有餘力始官府廨舍多仍元舊歲久日入于敝至宣德中益壞旭悉撤而新之凡郡縣治所學宮祠廟館舍橋道靡不壯固宏麗甲於諸郡宛溪二橋尤爲萬世利旭善撫綏雖荐興大役民不告擾壬

戌詔庭臣舉守令治行卓異者得十人旭實與焉時有宴勞錫賚之榮後以事解官行橐蕭然至今垂百年鄉里老稚稱賢守必曰表公祖表公祖云葉錫永嘉人初爲吳縣令以薦擢任在郡數年部內無貪吏民用富饒陳祭酒敬宗贈詩云名齊喬嶽峯尤峻心比澄江水更清天順間知府沈性字士燮會稽人戊寅年由監察御史擢任務裁冗費科役頓輕訟簡民安一時郡稱治焉尤加意學校嘗引諸生十數輩親爲課督多所造就成化間知

府涂觀豐城人庚子年由南京吏部郎中擢任爲政寬平鎮靜號稱長者時有天降涂來解倒懸之謠黎福樂平人甲辰年由太原守調任公廉方正人不敢干以私同知劉誠雞澤人乙未年由長史調任端慤孝友在郡以廉謹稱通判陳紀字德廉臨海人甲午年由舉人除任奉職公勤清白自勵初賦民田勸米以蘇官田之困在郡九年去之日行橐蕭然弘治間同知葉元字本真貴溪人壬子年由舉人除任優于吏才且有惠政姜縮弋陽人

以御史言事謫桂陽州判丁巳年稍遷本任在郡以摧豪右惠小民爲己責杜請謁剔奸蠹度務具舉其待同列及督所部侃侃推懷不以隱忍坐視爲賢鄰境之民訟久不決者必言上官願屬姜同知而上官亦曰非姜同知莫能辦由是受委叢沓走旁郡無虛月所在稱服有寧國別駕姜老愈辣之謠後以薦擢慶遠知府宣人爲立去思碑郭韶字克諧山西霍州人 年由 任平易近民用法寬恕然馭吏甚嚴後擢禮部郎中通判顏

祿壽巴陵人 年由舉人除任以廉能稱後擢
安慶同知有去思碑推官燕忠冀州人 年由
進士除任爲人凝重寡言法尚平恕正德間知府
鄭文炳山東人戊寅年由 部郎中擢任剛介清
慎吏民畏服後以丁憂去胡東臯字汝登餘姚人
辛巳年由南京刑部郎中擢任雅有幹畧誅鋤豪
強盜竊屏息尤篤意民事如更定里甲脩築圩壩
皆不厭繁冗曲爲經理嘗躬歷屬縣民有爭訟就
而聽之此最希濶事也嘉靖間知府及宦字士顯

交河人甲申年由給事中擢任爲人戇直簡靜卓
有清操敷政務崇光大之體不修名譽高淳縣豪
家嘗欲以馬政波及宣涇諸邑宦力抗之得免然
卒以此罣誤被逮移守懷慶民爭哭送之通判汪
佃字有之弋陽人戊子年由翰林侍讀謫任爲人
嚴正寡合雖不親郡事而崇獎學術士類歸心後
再遷南京宗人府經歷輒棄去學職則教授潘鐸
潘偉俱天台人蔣輔長樂人俱成化
鄧鏞豐城人
嘉靖間任訓導康恭莆田人弘治間任並
以力學能教稱

宣城洪武間知縣王文質六安州人甲辰年任時
干戈甫定文質興學校課農桑葺公宇撫綏招徠
咸有方畧於是流民悉還鄉里孫琳絳州人戊寅
年由監生除任廉明剛果撫字有方去後人多思
之洪熙初知縣蕭吉泰和人由廣東知縣調任識
幹明敏勸課有方後以事去官爲時所惜正統間
知縣況子玉瀘州人己未年由監生除任剛斷敏
給嘗遇歲饑多方賑救民賴全活卒于官縣丞陳
雅晉江人辛酉年由監生除任潔己愛民嘗遇亢

旱憂形于色乃引罪責己荷枷于首自署曰皇天
不下雨陳雅不開枷已而大雨遠近霑足焉成化
間知縣李端字表正棗陽人甲午年由進士除任
廉明有吏才尤能鋤蕪強豪後擢監察御史李延
壽字宗仁山東新城人初以監察御史謫縣簿戊
申年稍遷本任廉靜簡易庶事畢集吏民宜之弘
治間知縣方溢字文晬柳城人庚戌年由進士除
任剛明易直威惠並著後擢監察御史樂護臨川
人乙丑年由進士除任廉明有幹局尤長于占步

之法縣丞李福靖州人 年由監生除任卓有
廉操福一日外出有私饋其家人豚首者福歸察
知取諸釜中而還之其潔己如此主簿喻簡內江
人戊申年由監生除任廉謹有幹畧李文甲子年
由監生除任持廉奉公嘗鬻其家騾車十餘兩得
直盡以築雙溪橋宣人德之知縣樂護爲詞贈之
云李公橋下水長流利在千秋譽在千秋初縣學
文廟以附府輟祀文始於春秋二仲修行釋奠禮
迄今因之正德間縣丞蕭山荊州人壬申年由監

寧國府志卷八上

二十一

生除任在官廉直以忤上官罷去內翰邵銳贈以
詩有去馬人爭挽歸囊月共寒之句學職則教諭

張崑上虞人

宣德間任

柴璇餘姚人

正統間任

吳鈺福寧州

人

嘉靖間任

訓導雷鴻建安人

成化間任

李春暘樊城人

弘治

間任並以任職稱而鈺之賢尤著

南陵洪武間知縣梅鼎鳳陽人庚子年由南省掾
除任蒞政嚴明然不專事鞭朴吏民殆不忍欺甘
潤黃州人己酉年任雅性寬厚愛賢禮士敬老恤
窮尤能修舉廢墜後擢蘇州府同知成化間縣丞

謝文祥字元吉耒陽人由御史謫任爲人剛方尚氣節嘗歐不急隸役歸之農闢邪崇正士習丕變正德間知縣胡文靜字士寧山陰人己巳年由進士除任爲人簡重平恕應務畧無凝滯尤加意士習力裁冗費歲嘗大侵文靜多方賑救民賴以存活者甚衆後調吳縣擢入內臺一時號爲名御史學職則教諭任倫監利人宣德間任何昌南海人成化間任並以行義任職稱

涇正統天順間知縣強珍字廷貴滄州人由進士

除任廉謹不受私謁尤有應變才屢決疑獄復屯軍侵田定兩里凋耗之稅後舉賢令者必以珍爲首稱王弁字士瞻吉水人由進士除任慈祥愷悌有古循吏風歲值大侵弁乃爲民請蠲貸當路不許遂請于朝得之民賴以蘇弘治間知縣包羲民合浦人由進士除任廉靜寬大吏亦不能爲奸尤有惠政雅不喜飭厨傳以悅上官正德間知縣鄭氣字浩然靜海人乙亥年由進士除任坦誠遇物不喜紛更故去後尤見思學職則教諭劉恒吉水

人陳垣臨海人

俱正德間任

並以學行稱而垣尤嚴

寧國洪武間知縣王普

人張居敬

人遭

元末兵燹之餘官舍蕩燬二人相繼修繕規畫有方民不告擾正統間知縣劉清道州人雅性剛介蒞事公明吏民畏服縣丞周倫吉水人庚申年由賢良方正除任律身廉謹尤加意學校後擢南州同知成化間知縣聞人珥字德夫餘姚人庚子年由進士除任治邑如家尤勤撫字後擢至兵部郎中孫珣臨海人乙卯年由舉人除任崇正黜邪功

存士類正德間知縣王廷相字子衡儀封人初任給舍以言事謫外尋起爲御史再謫丙子擢今任爲人器度宏濶素以剛正博雅稱于時及迴翔州縣尤能以文學飭吏治蒞政旬月百度具舉事關民隱必竭力爲之故民有去後思嘉靖間知縣王庚字文祥灤州人丁亥年由進士除任爲人戇直坦易民相訟者必從容譬解使自歎服其明察尤善剖疑獄云縣丞彭明甫字則誠萬載人丙戌年由監生除任持己愛人綽有古意去之日行橐蕭

然學職則教諭林圭莆田人洪武間任訓導王皞安福

人嘉靖間任並以文學稱圭屢聘校士與修永樂大典

皞討論正學嘗輯四禮纂要行于時寧國士習稍
爲一變云

旌德洪武間知縣吳壽字子六處州人戊寅年由

御史謫任廉明有吏才民甚愛之永樂間知縣譚

青字彥白南豐人甲申年由訓導擢任通敏好學

在邑以撻奸鋤強爲務百姓德之徵拜給事中民

詣闕乞留從之又三年而去縣丞黃永清庚寅年

由吏員除任溫睦廉謹上下宜之洪熙初知縣田

穀字景善南密人乙巳年由舉人除任公平果斷

敬老恤貧每遇饑饉啓倉賑救恒如不及宣德間

知縣舒謨江西樂平人甲寅年由進士除任慈祥

廉敏不事刑威後擢監察御史正統間知縣宋常

人丙辰年由進士除任以文學節操稱馮本

慈谿人辛酉年由監生除任奉職廉惠蒞政有方

凡諸建作皆可垂範成化間知縣尹清人丁

亥年由舉人除任操持素謹秩滿去民有泣留者

正德間知縣顧珀晉江人初爲虹令丁卯年調任性資端慤爲政以惠愛爲先邑稱大治朱寔昌高安人己巳年由進士除任豁達知大體不避疆禦初作大命倉以備儲蓄學職則教諭毛倫蘭陽人

正統楊宗洛陽人正德訓導謝敷天台人永樂曾

間任經吉水人宣德並以學行任職稱

太平洪武間知縣孔文昭人初承喪亂之後

興學理民招集亡散戶口漸增李簡人己酉

年任始奉制作諸司官署簡善撫字政譽卓然永

樂間知縣梁德遠人廉能公恕深究民隱凡

蕪田逋稅悉折收輕贖以恤其困民懷其德至肖

像祀之正統間知縣蔣忠錢塘人辛酉年由進士

除任加意貧乏嘗爲民節損徭賦民賴以不匱弘

治間知縣張瀚字克容博平人辛亥年由進士除

任廉謹聰察不畏疆禦興補滯敝邑政大新數十

年間稱治績者必曰張君正德間知縣朱守爲莆

田人庚辰年由舉人除任剛毅敢爲後以調繁去

學職則教諭鄒陽江西樂安人弘治林文焯閩縣

間任

人正德間任並以嚴謹善教稱而焯尤習于古禮嘗躬

率諸生行之

本朝江畿守牧寄在保釐不可無特紀今知府合

知縣二百六十三人

知府洪武中黃榮祖癸卯年任陳灌政前跡見鞠騰霄己酉年任

楊觀辛亥年任胡乾祐癸丑年任塗節戊午年任林彥常壬戌年任王

煜甲子年任俞尚宇乙丑年任邵仁癸酉年任吳昭乙亥年任吳元肅

秀才丁丑年任永樂中宋獻政前跡見李仲真金華人致仕官寅

府來攝事榮貴河間人丁酉年由武彥陝西人乙巳年

寧國府志卷八上

任宣德中鄧本道政前跡見張斐俱莫考正統

中表旭政前跡見葉錫政前跡見天順中沈性政前跡見成化中

俞鐸新昌人丙戌年任王勤武邑人己酉年任楊禮易州

郎辛卯年任劉槃新鄭人甲午年任鄭勤宛平人丁

任擢涂觀政前跡見黎福政前跡見葉亨閩縣人莫弘治中

范吉天台人己酉年任劉廷瓚光州人丁巳年任華

璉餘姚人乙丑年由正德中惠隆仁和人丁卯年

劉寅新都人壬申年由楊鳳順天甲戌年

任丁丑年余誌順天人丁丑年由鄭文炳政前跡

胡東臯 見政前跡 嘉靖中及宦 見政前跡 區越 年新會起人復丁亥

年府復任己丑 屠應坤 御史湖擢人己丑 年南京監察

邵燁 府餘姚任人乙未 年陞副起復知 黎晨 士任丘人由進

郎中乙未 宣城知縣洪武中王文質 見政前跡 孫琳 見政前跡 邢知遠

程伯衍 陳伯恭 考三年莫 永樂中熊義存 新淦

王信 巴陵人 二 洪熙中蕭吉 見政前跡 宣德中李希

容 玉山人 辛 正統中况子玉 見政前跡 丁思廣 金華人

任 景泰中曹晦 灤陵人 癸 李良 鄧州 天順中彭烈

史由 監察御 成化中盧傑 南宮 姚恪 山陰人 莫詳 年歷 四李

端 見政前跡 李延壽 見政前跡 弘治中方溢 見政前跡 李夢龍 陰蒙

人由 進士 除 王璠 由長垣人己未 年 陳猷 進士 四川人 由

蘇範 湖廣二人 由舉人 除 樂護 見政前跡 正德中周廷用

任 華容人 癸酉 年 監察御史 除 温萃 進士 邑人 丙子 年 由

任 乙亥 年 監察御史 除 温萃 進士 邑人 丙子 年 由

評 大理事 董槐 除 己卯 年 調 任 舉人 王時正 黃縣

年 卯 以 寧國 調任 明 嘉靖中 施山 進士 雲人 癸未 年 由

陞 監察 方一桂 除 丁亥 年 陞 主事 黃鳳翔 雲

御 史 察 方一桂 除 丁亥 年 陞 主事 黃鳳翔 雲

右 衛 人 戊子 年 刑部 主事 除 任 王欽 除 福建 黃巖 由 庚寅

寧國府志卷八上

年調任本年汪倬貴溪人辛卯年由起復吳悌金
陞戶部主事除知樂
安甲午年調任

南陵知縣洪武中梅鼎政跡見前甘潤政跡見前雷璲建寧人

子年吳冕涿郡人戊戌州人壬戌州人吳謙光州人

辰年周詮清江人甲戌杜諒四川人丁童銓淳安人

任永樂中楊真宣德中張亨于幹三年人莫正

統中王所瞻莫考白榮乙丑景泰中劉紀御史

任金鼎壬申天順中孔公玘曲阜人由成化中沈

榮由進士孟瀛由進士姚鑾由監生除任弘

寧國府志卷八上
二十八

治中沈元慈谿人己酉年由進士王凱蠡縣人由

後陞監察御史魏宏桂林人除任鄧一鶚安福人

由舉人黃世昭候補官人壬戌年胡文靜政跡見前正德

中黃誥善化人壬申年劉渠鹽山人乙亥年劉追

萬安人丁丑年楊康豐城人除任嘉靖中俞昌

言莆田人除任張忠任丘人庚寅年由進士錢

照慈谿人由進士除知郟城甲

涇知縣洪武中王德民李榮西淮孫文質沈

士民應天孫思聰五年人莫杜博聞陵川人由明沈

烏肅年莫考楊忠立涓州人向銘仲除由監生永樂

中孫公與任鄞縣人由上醫學訓科擢刁士顯乙酉年

除任材徐子玉由棗陽人丙戌年聶朝貴巴縣人由

考年莫薛公惠魏縣人陳得本雲夢人杜善邯鄲人張寧濟寧

人鍾鼎建昌人杜柱西安人計庸臨海人七年正統天

順中楊守貞由隨州人丁巳年秦貴臨桂人章敬烏程

李哲封丘人朱昌任丘人鄧瑄南寧人詳年五強珍王

弁二見前政成化中尹陵進賢人由進士除李時成都

人由進士除任後弘治中吾應麒汝水人己酉年

陞主事俱莫考年

丁憂包羲民見政前田紹棗陽人丙辰年由舉李鸞

固安人己未年由監察正德中蔚昶宛平人戊辰

任改任喻文英除麻城人莫考年林挺黃巖人辛未

任賈啓留守衛人壬申年由進士鄭氣見政前周啓

東興除州人庚辰年卒于官舉田敏高要人辛巳年由

罷職嘉靖中夏應宿監利人癸未年由舉李鑾陽汝

申年由舉人除知旌德人劉貞吉安仁人丙戌年由

陞福州判官胡永成任安乙未年陞刑部主事除陳守仁

德化人乙未年

寧國府志卷八上

寧國知縣洪武中王普 張居敬 跡二人前政錢矩子壬

年李瑛 丁巳任 鄭承事 壬戌任 永樂中鄭真 山東人 丁

宣德中俞宗浙 烏程人 己巳年任 除授 正統中劉

清見政跡 何廣 由建德人 除任 景泰中段讓 江子夏人

由監生 天順中鄭温 由豐城人 除任 呂鎧 海鹽人

除由監生 成化中劉佐 由浦城人 除任 郭恂 廬陵人

由舉人 李珉 烏撒衛人 除任 魏完 蕭山人 除任 年

聞人珺 見政跡 翟信 由成都人 除任 張紳 隴西人 監乙

任生除 弘治中孫橘 由安岳人 除任 孫珍 見政跡 吳鑑

寧國府志卷八上

除茂名 辛酉年未調 知蒼梧人 王汝卿 陽曲人 壬戌年由

州府通判 正德中謝賜 衡陽人 壬申年 由舉 陳邦

彦 南平人 癸酉年 由舉人 王廷相 見政跡 王時正 黃

判 嘉靖中林文聰 長樂人 乙酉年 由教 王庚 見政跡

任 己卯年 調知宣城 董槐 靖甲申年 陞 順德府通

江鎬 貴溪人 己丑年 調知陽春 勞紹科 番禺人 甲午

任 旌德知縣 洪武中周得義 坦行 雷以震 朱

鐸 李敬 邵鼎 趙約禮 趙仲益 獨真

旌德知縣 洪武中周得義 坦行 雷以震 朱

吳珏 蔡經 劉子誠 李顯 楊希聲 馮吉

陳大孟 金懷 洪宣 聶榮 孔克亮 傅

凱以上莫考 吳壽政跡 永樂中杜敏 譚青 王時

中 鍾象賢 李知微 李源 李偉譚青政跡

人莫考 洪熙中田穀政跡 宣德中章元亨莫考 舒

謨政跡 正統中宋常政跡 錢禮莫考 馮本政跡 曾

貫莫考 曹祥衛輝人 天順中陰儼 成

化中尹清 楊璽 弘治中胡鎬 尚信 姚禎

薛鏊 孫迪 錢瑞尹清政跡 正德中

寧國府志卷八上

顧珀 朱寔昌二人 朱槩癸酉 武文甲戌 任璋

乙亥年 李鑾辛巳 嘉靖中張鳳翀甲

知丹陽 谷鍾麟丙戌 柳應陽以上四人 俱杜鏗

癸巳年 陳良猷晉江人 擢任寧波

太平知縣洪武中孔文昭 李簡 永樂中梁德

遠三人 正統中張珪懷柔人 蔣忠政跡

見 景泰中王琛新安人 朱璽仁和人 由

前 成化中耿聰孝感人 王麒汾州人 辛卯

任 嚴賔潛江人 弘治中劉珩上虞人

本由	官	舉	臣	授	黃	以	解
年進	王	人除	任即	朱	源	丁	職
卒于	雄	年任	丙墨	守	南	憂	
除任	順	落正	子人	爲	安		
官任	德	職德	年甲	見政	人己		
張	改		致戌	前跡	辛丑		
瀚	任	正	政年	嘉	卯年		
見政	甲進	德	張	靖	年由		
前跡	子士	中	鸞	中	罷職		
韓	年授	施	致清	徐	楊		
立	陞行	用	政潤	瀾	儒		
人蕭	知人	任新	人	生遂	孟		
除山	州壬	甲會	丙子	除寧	舉津		
任人	龔	戌人	俱年	任人	人戊		
辛戊	彪	年辛	由任	丙戌	壬辰		
午年	真	未年	舉己	子年	甲辰		
由年	化	仕年	人卯	罷由	午年		
卒于	衛	楊	除年	職監	年由		
舉	人	良					

寧國府志卷之八

寧國府志卷之八

直隸寧國府知府任丘黎晨校刊

人文紀中

郡自晉元以還皇風淪洽才俊蔚興宣靈發異垂數千百年而不衰故合古今人物紀爲一百有六人

宣城韋遼仕晉爲給事中與紀瞻同時契分頗踈及遼臨終獨以後事托瞻瞻爲起居宅綱紀營護若至戚然時人兩賢之俞縱晉成帝時爲桓彝部

將蘇峻之亂彝遣縱守蘭石與峻將遇衆寡不敵左右勸其退守縱曰吾之不負桓侯猶桓侯之不負國也竟力戰而死寇平贈興古太守羅立言唐貞元中擢進士爲陽武令遷河陰始築河陰城當築處率爲富人大賈所據乃下令畫地使民自築民憚其嚴數旬而畢因設鎖絕汴流姦盜屏息後由廬州刺史召爲司農卿與鄭注李訓善擢京兆尹劉太貞善屬文師蘭陵蕭穎士唐天寶中舉高第進士兄太冲先一年登第亦有文名德宗嘗宴

曲江賦詩群臣皆和以太貞爲第一遷禮部侍郎
後以事貶信州刺史卒荆鼇少孤貧宋乾德中入
廬阜讀書卒業太學爲人廉直重信義雖貧窶未
嘗謁人嘗藏龍尾硯客有欲之者不忍言而去鼇
察知其意卽馳數舍與之太平興國中擢進士歷
茶陵令遷殿中侍御史尋乞歸廬山數年卒李含
章自少隱居士山好學攻文詞器度凝重每遇良
夕輒吹鉄笛吟嘯自若識者異之宋太平興國中
擢進士上第嘗判戶部度支歲計克羨奏免諸道

供輸一年尋謫外祥符末起判三司乞便郡出知
本州政崇簡易訟獄大省在郡二年罷含章數以
戇直得罪益高放嗜酒遨遊山水間哦詠自遣仁
宗卽位起知江陰軍數月卒所著有仙都集五卷
孫孝先以含章蔭累官虞部員外郎通判池杭二
州力學好修所交如李太伯楊次公輩皆當世名
士有柯山集十卷梅詢字昌言宋端拱己丑登第
咸平初預考進士於崇政殿真宗奇其占對詳敏
召試中書直集賢院賜緋衣銀魚是時契丹數寇

河北李繼遷急攻靈州詢上書請以朔方授羅友使自圖之因遂請行未至而靈州已沒還遷太常丞三司戶部判官詢以蒙遇主知屢陳邊事其言甚壯上益躓之後坐斷田訟失實出判杭州仕終翰林侍讀學士詢性卞急好進侈于奉養雖老不衰五子皆貴所著文集二卷梅堯臣字聖俞父讓業儒不仕以弟詢薦爲大理評事堯臣少工詩亦以詢蔭補河南主簿歷襄城令監永豐倉召試賜進士出身除國子監直講累遷尚書都官員外郎

歐陽脩引爲詩友自以爲不及堯臣益刻厲精思詩名日盛王文康公曙覽之嘆曰二百年無此作矣與脩唐書成未奏而卒詔錄其子寶元所著有唐載記二十六卷毛詩小傳二十卷註孫子十三篇宛陵集六十卷史稱其詩深遠古淡間出奇巧云許遂字伯通早孤事母以孝聞鄉人每勵其子輒曰汝獨不慙許伯通乎宋祥符中以弟員外郎逖推恩補將作監主簿子俞登乙卯進士仕終大治令逖亦孝謹衣食必推其兄子元仕爲轉運使

與俞俱以孝友稱施元長字景仁宋天聖丁卯舉進士調饒州推官累遷兩浙提點刑獄論鑑湖不可爲田其說甚悉治平中知洪州初建學校定章程務以德義鎮俗子緯知循州結知吉州王知微字幾之唐中大夫仲舒之後自少英偉宋慶曆乙酉登第以著作佐郎僉判賀州多採鉛錫以資鼓鑄歲增課至百萬遷秘書丞知當塗縣時築萬春圩調夫甚急知微請候農隙部使者不悅久乃信重之仕終龍州倅知微與王安石同年進士安石

嘗問當世法度沿革知微畧無顧望唯言士去就有命名器非假人物也坐是不進用在官常以餘俸周內外族家無餘蓄有詩集二十卷弟知章孫鑒二十年間相繼登第鑒尤力學能文歷江寧南陵令皆有惠政王荐字繼道好學工文詞宋熙寧丙辰登第元豐末除歙令專務勸學時行差役法荐下令應戶以一人受書則免其役方受書者輒延坐富者躬役庭下大以爲耻由是人人競勸學徒日衆轉奉議郎卒韓元龍字子雲以高祖維恩

澤補將仕郎歷天台令縣久不治元龍悉力區畫
至忘家事有疏豪猾姓名來諗者謝不納曰此一
入耳卽不以良民待之彼何以自新聞者感化邑
遂大治仕終直龍圖閣浙西提刑元龍性醇孝未
嘗輒去其母與弟尚書元吉友愛甚篤俱以文學
顯時以比坡穎云章元任字萃民宋紹聖甲戌進
士爲溧陽令時值大水道殪相望元任丐糴于官
并諭大姓出粟芟舍煮糜以飼之仕終朝奉大夫
元任有幹畧仕州縣四十餘年不盡其才然無不

足之嘆王相如字次卿知微曾孫也孤貧嗜學年
四十不娶或問之曰恐負吾學也呂右丞好問守
宣州得士四人詹友端李宏周紫芝及相如與焉
每讌集必與四人者俱建炎初江右盜起被執逼
令草檄相如奮髯曰吾雖死不能爲賊作牒遂遇
害盡室殲焉後僧毅達得其遺藁三百七十餘篇
周紫芝序之號溪堂集詹友端字伯尹少力學自
奮政和丙申鄉貢第一建炎初上書言金讐當復
中原可取言甚壯激朝廷不能用後戚方圍宣城

友端分城守禦每匹馬輕裘奮當鋒矢以爲衆倡
賊平補迪功郎調監池州贍軍酒庫會盜發鄰鄙
郡委友端攝西安尉與賊力戰中流矢卒時年四
十三詔官其子雷友端慷慨報國素所自許身死
綏下非由偶然周紫芝字少隱居陵陽山南父覺
嘗曰是子肩聳而好吟其終窮乎兩以鄉貢赴禮
部下第家貧併日而炊里人嗤之不顧嗜學益苦
年六十一始以廷對第三同學究出身歷右司員
外郎出知興國軍爲政簡靜不擾而事亦治秩滿

奉祠歸入廬山終焉始秦檜愛其詩云秋聲歸草
木寒色到衣裘留京每一詩出輒稱賞不已後和
御製詩云已通灌玉親祠事更有何人敢告猷檜
謂其諷己怒出之所遺詩文數千篇號太倉粒米
集貢祖文字仁德本大名府人宋靖康中從武弁
巡邊爲金人所執不屈縱歸高宗義之授武德大
夫都總軍將扈從南渡居宣城遂爲宣城人祖文
舊與岳武穆共事協志恢復檜相坐廢于家及岳
氏受禍祖文嘗潛匿其宗胤于別墅元儒馬祖常

贊之曰貢氏來北肇自武德蓋其忠威光被南國
陳天麟字季陵幼警悟日誦數千言宋紹興戊辰
擢第累官集賢殿脩撰歷知襄陽修治城堞募忠
義軍浚古胥河察城中奸黨誅之朝旨嘉獎改贛
州時茶商寇贛吉間天麟乃預繕城池爲守備民
恃以安在郡不用威刑訟亦清簡仕終集英殿脩
撰有詩三千餘篇號櫻寧居士集魏良臣字道弼
溧水人徙居宣城登宋宣和辛丑進士除壽昌令
召對擢吏部員外郎時金虜犯淮朝廷知良臣可

任大事遣詣虜行成而歸遷左右司檢正權吏部
侍郎後復使虜兀術頗有悔盟之意良臣請觀國
書曰分淮畫守初議也今欲界長江非所敢知執
論久之得從初約秦檜稍忌之出知池廬二州檜
死召拜參知政事首請出衣冠之囚歸蠻瘴之冤
遂特起淹抑詔追無虛日時軍政寢弛於是核軍
實禁工役罷販賈觀聽一新然群邪側目竟以資
政殿學士出知紹興尋詔錄宮祠自便起知宣州
歷潭洪二州卒良臣偉儀幹厲志當世晚居大位

雖不甚久而舉措已有可觀贈左光祿大夫謚敏肅子伯友仲恭叔介俱貴李兼少能文嘗賦學士詩楊萬里見而許之歷知台州有惠政卒于官吏民爲之巷哭罷市所著有雪巖集章燾字彥溥以父元任蔭補官歷大理少卿坐里人章夏被論罷位起知復州召還再免尋起知蘄州爲政寬平不擾蘄產笛簞例克苞苴燾悉斥去之擢提點湖南刑獄全州將兵劫守臣爲亂株連甚衆燾乃誅其首惡餘皆諭遣乾道初拜刑部侍郎燾練習條章

每議獄傳以經術時論推其平允孝宗亦嘉其不觀望也以疾奉祠加集英殿脩撰子綱純俱擢進士俞極字伯高好禮喜士累世同居家法甚肅乾道中郡以狀聞詔旌表門閭并復其家極所居岡下喬木森然亭館雅麗足供遊眺時有余園之稱孫自修字敬夫偕從弟自新自任從朱子游時宣士正學久衰自修兄弟獨知尊嚮時論躋之朱子嘗貽書商確傳訓旣沒自修追記池錄一卷附載朱子語錄胡鼎金字貴剛究心易學嘗作三陳九

卦說曰文王九卦之取上經取其三下經取其六
取履於乾先天之乾所以父巽離兌于上者叙倫
于履矣取謙於坤先天之坤所以母震坎艮於下
者叙倫於謙矣復卦乾陽反動于坤陰之下復禮
爲人之本也而三才之道備矣六卦之取於下篇
至於巽以行權而聖人之用易微矣語見新安朱
升周易旁註吳柔勝字勝之本寧國縣人長游郡
學遂卜居宣城父丕嘗贄金陵柔勝因用溧水貫
登宋淳熙辛丑進士調都昌簿差嘉興教授浙右

大水常平使者委以荒政竭力推行多所全活御
史湯碩劾其擅放田租且主朱熹之學不可爲師
儒官坐罷久之注贛州尉時仕嶺南者多歿于瘴
比還過贛妻子率流落柔勝乃請創廣惠館并括
閒田所入以待之由是人人得返故鄉嘉定初知
隨州時再議和好邊臣遇塞下民事連北界者不
問法輕重輒殺之郡民梁臯有馬爲北人所盜追
之彼此以矢相拒郡下七人于獄柔勝至立破械
縱之具始末報北界而已築隨州棗陽二城招四

方亡命立軍曰忠勇虜至遂不得逞改知太平州
丐祠加秘閣脩撰柔勝天性孝友初筮仕會母夫
人疾亟時有願輸千緡易闕者笑曰吾乃以親病
而罔利哉亟謝遣之始與彭龜年楊簡袁燮諸公
爲師友每以行事至否爲學力淺深之驗嘗曰士
以大節爲先大節苟虧他美莫贖故罹黨禍十餘
年畧不少貶卒謚正肅林宗放字問禮貌古色莊
居鄉以孝友稱宋淳熙丁未舉進士廷對激切宰
相周益公奇之授潭州教授改通州州學舊刊三

諫集錄載章子厚奸狀郡守子厚孫也欲去其板
宗放執不予調太平州四方學徒至數百人宗放
升堂辨析皆發揚至理士多契慰改知蘭溪縣摧
折豪強奸吏屏氣部使章良肱薦于朝時相驚曰
此余丁未同登也尚在常調耶欲處以館閣不果
授廣州通判遂乞祠歸吳淵字道夫柔勝第三子
嘉定七年舉進士累官寶章閣學士知太平州兼
江東轉運使時兩淮流民入境幾四十餘萬淵悉
留而撫之以功進文華殿學士工部尚書兼江西

安撫使知隆興府講行荒政所全活者七十餘萬人後遷夔州路安撫使知江陵府親帥兵二萬援川蜀與元將汪惟立力戰敗之召拜叅知政事未至卒淵爲人有才畧尚氣節所至以能著然政尚嚴明好興羅織之獄故時有蜈蚣之謠贈銀青光祿大夫少師謚莊敏所著有退菴集吳潛字毅夫淵之季弟嘉定丁丑狀元及第歷官太府少卿淮西總領嘗移書政府言金人旣滅與北爲隣法當以和爲形以守爲實以戰爲應今內地荼毒未可

輕啓兵端其後興師入洛潰敗死亡皆如潛言累遷試兵部尚書知制誥簽書樞密院事進封金陵侯尋拜叅知政事進右丞相兼樞密院使明年以水災罷又四年起授沿海制置大使判慶元府積錢四十七萬有奇代民輸稅帛前後蠲逋米至五百四十九萬以久任乞祠進封崇國公判寧國府後以醴泉觀使召對進左丞相改封許國公潛遍歷州府監司其所建白輒中機要時元兵渡江潛痛國難累上䟽論丁大全洗炎等不報屬將立度

宗爲太子潛密奏云臣無彌遠之才忠王無陛下之福帝怨潛卒以洗炎論劾落職謫授化州團練使循州安置潛未死前一日其夕雷風大作五鼓開霽乃撰遺表作詩頌端坐而逝德祐改元追復舊官加贈少師貢奎字仲章贈廣陵郡侯士濬之子廣陵力學尚節宋亡遂不復仕嘗作義塾以待四方學者鄉人甚尊敬之晚而生奎天性穎敏容儀端重十歲便能屬文長益博綜經史文章以古爲師仕元爲齊山書院山長朝廷方議行郊祀禮

諸老大臣以奎識鑒清遠論議詳明遂推授太常奉禮郎兼檢討奎卽討論上之朝廷多採其說再遷應奉翰林文字同知制誥兼國史院編脩官纂脩成宗實錄授江西儒學提舉敷明理性之學諸生皆竦聽不懈累遷集賢直學士天曆二年奉使還卒于家所著有雲林小藁聽雪齊記青山謾吟倦遊集豫章藁上元新錄南州紀行凡百二十卷貢師道字道甫奎之從子舉茂才累官翰林待制兼國史院編脩官時奉旨脩宋遼金三史總裁脫

脫欲以遼金爲正統師道奮筆議曰昔符堅已據中原而猶不忘東晉凡以成正統也本朝得上承中國帝王之統而與唐虞三代漢唐齊稱以承宋耳則正統在宋而不在遼金明矣衆議奪于私不果從師道亦竟以此忤時出補嘉興路總管府治中部使者交章薦之尋卒汪澤民字叔志其先徽之婺源人藻七世孫也元延祐甲寅領鄉薦署寧國路儒學因家焉戊午擢進士授岳路平江州同知州民李氏者家負雄貲弟死兄利其財噉人誣

弟婦以姦事獄成而澤民至察知其枉遂直之遷平江府推官有僧淨廣與他僧有憾一日他僧邀廣飲廣弟子素苦其師潛往他僧所殺之官以坐他僧他僧誣服澤民取行兇刀視之有鐵工名因窮得其情人皆以爲神後召脩三史拜國子司業書成除進賢直學士尋乞歸以嘉議大夫禮部尚書致仕斬黃賊陷徽州乘勝來攻澤民爲廉訪使道童畫策守禦城得無虞明年長槍賊瑣南班等大至或勸之去澤民曰我雖無官守受國厚恩臨

危不能愛死已而城陷被執逼降不屈乃自爲詩
有云江城欲破竟何爲獨有孤臣強自持罵賊肯
教雙膝屈忠君不顧一身危遂遇害事聞追贈資
善大夫江浙行中書省左丞封諱國公謚文節所
著詩文甚多并春秋纂疏行于世梅寔字仲實堯
臣九世孫元政和己巳中江浙副榜以父蔭授宜
興張渚務副使累官集慶路總管府照磨至正間
天兵圍集慶援乏乃約友人李端曰事急矣當
以死殉國城陷果不屈遂闔門遇害貢師泰字泰

甫奎之子子生有奇質年十六受業于吳草廬卽
見噐許在太學時一日過鐘樓街遇婦人車遺囊
道上從者得之皆大珠也亟追還之他日知爲黑
廝侍郎之母侍郎詢其人不得公終不言元天曆
二年擢第歷紹興路推官讞獄如神擢監察御史
元制臺憲不用南人南人登臺憲自師泰始累遷
兵部侍郎巡察口北京南驛戶師泰一視其力之
虛實而高下之貧民賴以少蘇使還皆焚香遮拜
題木主事之遷福建廉訪使尋以禮部尚書召未

行調平江路總管是時張士誠兵已壓境調度一出省臣師泰到郡纔半月計不得展城陷倉皇懷印以出事竟不就寓海寧作幽懷賦以見志行省承制版授兩浙都轉運鹽使至則剔積蠹通利源國用賴焉至正庚子朝命起爲戶部尚書轉漕閩海命以鹽易米餉京師始至見鹽不滿百引師泰翦刈魁姦嚴斷私販踰月鹽米大集京師賴之召遷秘書卿兵梗未赴所在學徒雲集講學不輟比還至海寧元命已改因命所居爲小桃源未幾病

卒或曰友人宋學士景濂嘗過其家邀之置酒飲至夜分仰藥而死師泰素以文章推重于時才兼匡濟遭值亡運志業未究君子惜之所著有詩經補註二十卷友迂集十卷玩齊集二卷螾竅集二卷閩南集三卷賈性之字友初泰甫從子初以胄子除簿尉有剛直名後補閩省理官元亡高皇帝徵錄泰甫之後大臣有以性之薦者性之改名悅避居會稽躬耕漁浦以自給老而無嗣邑人芮麟嘗遇之憐其羈困邀與俱歸性之辭以詩有

云遊絲落絮都成恨社燕秋鴻各自飛杜宇叫殘
孤館夢西風吹老故山薇每有所感則泫然泣下
形而爲詩勸之仕者卽默不應卒門人私謚曰貞
晦先生所著有理官詩集行于世王翕宣城管軍
百戶元至正乙未八月長槍叛帥鎖南班等攻郡
城將陷翕呼弟曰我受國恩遇難當死顧老母在
汝等宜出避語訖卽殺妻子焚其居自刎而死又
有張文貴者亦百戶至正十七年五月 天兵
下寧國路守將出降文貴伏節死妻妾亦自殺魏

資敬字之觀良臣之後洪武初以通經薦授棗強
丞有政譽秩滿入覲擢監察御史以骨鯁敢言見
稱後謫戍夔州晚歸故里卒資敬負才畧重名檢
尤不惑于流俗云凌餘慶洪武癸酉以匠執役京
師母家居病劇餘慶聞之憂甚夜卽沐浴焚香告
天刲股以療時禁嚴不得輒歸乃白于官官以聞
有旨所刲股付餘慶妻兄楊某持歸其妻和粥以
進母疾尋愈詔免餘慶本役仍旌表其門芮麟洪
武間由國子生累官台州知府明習政體吏民仰

之嘗註誤被逮父老泣送之境外或遺以金一無所受移守建寧政蹟大著同時有潘惟學者亦國子生擢至嚴州守以慈惠稱陳迪字景道少儻儻有志操領洪武乙卯鄉薦辟郡學訓導嘗爲郡草萬壽賀表上覽而異之除翰林編脩進侍講預脩大典擢山東布政司左叅議捕蝗弭盜民甚德之再遷雲南左布政時普定曲靖烏撒烏蒙諸夷煽亂迪擊破之捷聞有白金綵幣之賜召入爲禮部尚書革除二年朝廷因災求言迪條陳清刑獄恤

流民等事多見采納尋加太子少保辭不受靖難師起迪與太常寺卿黃子澄兵部尚書齊泰等上書陳論大計事敗 文廟召迪等責問迪抗辭不屈遂與子丹山鳳山等六人同日伏誅子孫俱盡迪旣刑人于衣帶中得詩有曰三受 天王顧命新山河帶礪此絲綸千秋公論明于日照徹區區不貳心又有五噫詞並悲烈蒼頭侯來保者拾其遺骸以歸是時宗姻悉戍邊徼洪熙改元始詔釋之同時有俞逢辰者字彥章水陽西鎮人洪武初

選克燕府伴讀靖難師起嘗以力諫被誅先是逢
辰寓書其家示以必死至是果然予得之王給諫
盖云盛璞字玉夫性剛方負氣亦能文章永樂五
年由國子生除寧波府同知在官以廉愛稱擢南
京戶部郎中出守黃州尤有德政歷官二十餘年
所至不携妻孥惟行囊二肩馬僕各一而已貢鏞
字元聲泰甫之後少從會稽劉師邵學好深沉之
思雅性淳謹力勤畎畝夜有盜入其家家人執之
鏞命勿燭盜曰爲多負故耳乃更給布粟遣之謂

家人曰若一識其人將使終身赧顏矣里有患疫
者人莫敢通鏞獨求藥往視之平生不至城邑嘗
錄古隱士有迹無名者以自况所著有西園遺訓
二卷西園集二卷劉汝瞻字民望端重寡言凡事
必以反躬力行爲學與郡人貢珊齊名弘治中授
嘉善訓導致仕卒所著有履素文集貢璧字廷器
師泰之後景泰癸酉領鄉薦選授監察御史爲人
凝重沉毅可當大事成化中抗疏言星變 憲宗
特識其名于御屏命巡視南畿江防江寇徃徃出

于鹽徒中貴人多冒禁者壁持法畧不少貸至于約身廉節無異微時嘗以公事過宣鄉人以官稱之者語以只呼九秀才後遷浙江僉事卒從姪欽字元禮才氣跌宕九歲補郡庠生成化庚子鄉薦第一後舉進士歷官文選郎中詩文流麗有秋水芙蓉之號李西涯程篁墩嘗推許之然倜儻豪俊不拘小節竟以事謫外終順德太守所著有湖亭集行于世劉恕字宗行琦之後由國子生除武城令政以惠愛爲先尤有清操秩滿士民詣闕乞留

遂再任三年增秩六品調公安棄歸時論歸其廉介賈珊字廷甫家貧力學性尤孝友母嘗邁疾珊和藥嘗糞寢食俱廢兄睽病疽珊輒吮之正德辛未舉進士除唐山令鋤強右弱覈清河官地以還民時有佛爺之稱後入覲京師病卒無以爲斂同年友憐而贈之唐山之民奔走哭奠爭出車錢護其喪以歸至今立祠祀焉所著有周易發鑰正蒙皇極解史學斷義諸書藏于家萬琛字廷器性勇於義領成化丁酉鄉薦除清江令改瑞金適流賊

夜突入城殺守卒吏倉卒莫知所出或勸其引避琛曰當手刃諸賊以報國恩賊擁入縣內被執唾罵不已遂遇害時弘治乙丑正月也事聞詔贈光祿少卿官其子麟爲雲南吏目侍讀崔桐爲作忠臣傳吳宗周字良弼文常之子文常兩以賢良方正薦皆力辭宗周克篤世求平生耻循循居人下務脩大節以成名譽少孤母王氏久痢宗周籲天刲股爲糜以進母尋愈後數歲卒復廬墓側朝夕哭奠郡具以聞詔旌表其門後登弘治丙辰進士

歷官郎中終臨江府知府張本字由國子生除開封府推官正直方嚴動必循法居官尤以廉謹稱解官歸家無餘資鄉人重之徐說字以中巖之孫巖性剛直有清操由舉人歷官戶部郎中累督關陝徐州軍儲聲績著聞從父愈亦以文學顯說登成化戊戌進士授禮部主事擢至南京右通政爲人謙抑端謹雖秩列閒司亦能修舉典故隨事盡職嘗持節册封靖江王資贐甚厚一無所取後致仕歸務以忠信先鄉里年餘八十齒德足

爲一時冠云趙瑞字子祥領成化丁酉鄉薦除撫州府同知爲政寬嚴有體吏民畏服嘗行縣遇二人鬪旁婦人詈曰爾嘗殺吾父今復戕吾夫耶瑞聞之卽遣人追跡死所果得殺者尸時已十八年矣陞彰德府知府致仕年八十五卒瑞性清謹端慤有惇行素爲鄉里所推張綸字大經湖廣叅政曄之孫曄父當戍邊曄自請行朝廷憐其志聽以弟皞代累功爲富峪衛千戶綸因占籍京師領順天鄉薦成化甲辰舉進士授鹽山令誅鋤豪惡奪貴戚侵田擢監察御史巡通州倉故人有以苞苴來謁者不復與見嘗按真定諸郡平鄉令欲增淤田稅百餘頃檄報淤決不常不可遺民患陞光祿少卿歷大理寺卿興襄二府爭灘地連逮七十二家訟久不決綸爲調停奏上之事遂決後改刑部左侍郎奉旨推治博野慶成二王獄稱 旨降勅獎諭累官至右都御史致仕還宣城歲餘卒贈太子少保蔭子韓爲卽墨知縣乾榦並領鄉薦所著有出巡錄憲臺奏藁棘臺駁藁敬亭文藁藏于家

管文學字時英爲人飭躬謹行不妄笑語正德中由國子生除桐鄉縣丞卓有政蹟近俗丞於上官稱參文學耻之遂棄官歸劉勗字時勉剛方有志操不妄交與正德中由國子生除饒州府推官號能持法尤以清節著嘗董景德鎮陶事減陶戶冗費數千金後以丁憂解職劉琰字廷榮爲人醇謹更練世務正德末由國子生授廣東和平知縣先是山賊池大鬣據泃頭山爲寇者數年中丞王公守仁討定初置縣以撫控扼之琰承草創之餘撫循餘寇保翼平民而教其良者秀者邑遂稱治以功遷衢州府通判邑民爲立生祠後在衢亦以惠稱有德政碑

南陵何琦字萬倫年十四喪父哀毀過禮仕晉爲郡主簿選補涇縣令母死每哭必絕時鄰火驟發烟焰已交琦撫棺號哭俄而火息得免後服闋遂不復仕司空陸玩太尉桓温交辟皆不就簡文召爲參軍固辭以疾公車再徵亦不行温嘗登縣山北喟然嘆曰此山南有仁人何公真知足者作三

國評論及撰錄百餘篇年八十二卒徐勣字元功
宋熙寧六年進士及第除桂州教授時王師討交
趾轉運使檄勣從軍地險多瘴役者多道亡捕得
千餘人使勣杖之勣以其羸病不勝杖請涅臂使
者怒勣終不爲奪主將郭逵逗留不進勣奏貶之
舒亶聞其名將以御史薦勣勣惡亶爲人辭不荅
遷判通州脩築海隄民賴其利徽宗立擢寶文閣
待制兼侍講中書舍人帝謂勣曰朕每聽臣僚進
對非詐則諛惟卿鯁直朕所倚賴詔與蔡京同校

五朝寶訓勣羞與京伍固辭因奏京之惡引盧杞
爲喻遷給事中翰林學士勣言國史久不成者由
元祐紹聖史臣好惡不同故議論紛然宜悉取當
時輔相家藏記錄叅訂是非勒成大典帝從之蔡
京以勣與何執中皆宮邸舊僚曲意事之勣不爲
少降後京拜相執中亦預政勣遂以元祐黨罷歸
大觀三年起知太平州召對極論茶鹽法不便帝
曰不見卿久今日乃聞嘉言加龍圖閣直學士留
守南京蔡京過宋見勣諷之曰元功遭遇在伯通

右伯通既相矣勸笑曰人各有志吾豈以利祿易之哉京慙不能對勸亦終不復用以疾除顯謨閣學士致仕卒董必字子疆宋熙寧九年進士久從王荆公遊居官所至有聲後知荆南府多建堡塞以張控扼之勢溪洞諸蠻由是不敢爲寇以功再任卒贈龍圖閣直學士李經字天常宋紹聖元符間人也性篤孝母死廬墓工山躬執畚鍤築垣種松居數年迺歸每見後生晚進必訓以孝經曲禮年八十而終後人爲立孝子祠方懋德字元相宋

宣和三年起家胄監授諤州刑曹改武康尉邑有丐者死於沈氏者之門或以誣沈獄已具懋德辯而釋之後遷錢塘令府牒索磚五十萬懋德持不可立庭下屹不去卒罷之會使者按畿邑箠杖不如律者罪且連邑佐懋德言此乃令罪請自坐佐竟得免後遷知廣德軍卒所著有雲溪野老集楊若字义先宋紹興元年登第知祁縣以明恕稱後知全州興學敦義創賑濟倉減輸租斛大有惠政累官朝議大夫直寶章閣致仕張國岡元至正丙

申雙刀趙寇南陵國岡親率義兵與戰兵敗被執
逼降不屈賊以刀斷其兩膝而殺之至死罵不絕
口何應龍字子驤琦之後也風采英毅膂力絕人
尤涉獵書史鄉鄰有爭輒爲直之莫不誠服元末
里中少年嘯聚應龍患之乃與宗姻謀誘其首亂
者悉斬之少年懾服莫敢動於是散粟結士部署
丁壯爲保障計前怯烈馬赤星吉公上其功授民
兵萬戶乙未歸附 詔世襲其官戊申從大丞相
北定中原洪武丙辰征西至歸德州以疾終遺書

戒子拳拳以睦族爲訓子執中嗣同居者九世丁
鎡字永時永樂間舉楷書入胄監擢戶部主事歷
官兩浙都轉運鹽司使正統甲子以廉能受褒就
賜襲衣楮幣累遷刑部左侍郎致仕卒范懋字士
勉永樂中由舉人授西河令遷隰州同知在官廉
明人不敢犯百姓以包孝肅目之旣去爲立思廉
亭吳景字伯陽弘治丙辰進士歷官四川按察僉
事時東達流賊克斥鄆藍旣擒餘黨遁入川東進
逼江津巡按御史檄景守之期五日以兵援旣而

不至賊遂益衆來攻城陷景被執不屈而死事聞贈按察副使官其子鎬爲宣州衛百戶

涇萬晏在唐時以孝悌稱朝廷以其數世同居表其門里并復其家左匡政後漢尚書令雄之後生而奇異及長有智力隋末兵亂匡政率衆保障鄉里衆推爲總管號難當唐武德中授猷州刺史輔公祐反匡政閉城固守李大亮以兵授之公祐遂敗以功授宣城大都督封戴國公凌策字子奇幼孤貧厲志好學嘗與姚鉉同學于廬州宋雍熙二

年舉進士累遷左贊善大夫通判定州李順亂川陝策自請行朝廷壯其義卽以蜀州授之後入爲戶部判官故事嶺南輸香藥郵卒負擔抵京師策請陸運至南安汎舟而北大省運送之費後南昌水潦王旦奏策泣事平和可寄方面遂自楊州守擢江南轉運使召拜右諫議大夫集賢殿學士知益州策勤吏職處事精審所至有治蹟眞宗方屬意于策未及柄用而卒子瓘琬俱補官從子瑗郢州司戶亦以能吏稱劉琦字公玉本宣城人徙居

涇川太子贊善湜之子琦少強學立志峻潔舉宋
慶曆丙戌進士歷鍾離績溪舒城三邑令清約不
擾邑人思之後召爲侍御史上書請棄綏州與劉
述錢覲上疏論王安石挾術媚上私意用人變法
不當九十事語多不載因指斥曾公亮趙抃疏奏
貶監處州鹽酒稅後改職方員外郎通判鄧州致
仕卒昌永字禹功初以三舍法入辟雖宋靖康中
金虜犯京師永率太學諸生守義不屈朝廷嘉其
節補進義校尉紹興癸未以特奏第一累遷太常

寺丞出爲湖南叅議鮑若虛字仲實初爲國子生
遭宋中葉兵興以軍功補官靖康中奉使金虜爭
論疆圉不屈被囚歸化州旣而釋還後以武翼郎
致仕梅成和字德脩宋紹興二年舉進士調江夏
主簿時岳武穆討楊么于洞庭安撫使劉道守鄂
渚成和徒步之官劉大嘉賞令督軍餉掌箋表多
所裨助賊平授太湖令賑卹流移興舉學校嘗取
唐人父慈子孝兄良弟悌夫義婦聽長惠幼順君
明臣忠合于十義者繪像刻石以示訓焉趙昌字

鳴盛登景泰申戌進士歷官戶部郎中以忤中貴人謫長沙府同知時洞寇竊發昌至悉平之成化初復爲戶部郎中值蘇松災旱昌奉使檢覈奏減秋糧三十餘萬民困以蘇累遷山東右布政卒董傑字萬英性端謹平居無惰容方家食時卽以天下爲己任成化丁未舉進士上疏論經筵除沔陽知州尋謫四川行都司都事累遷保定知府練兵儲粟盜發賴以無恐民爲立生祠祀之仕終右副都御史卒傑潛心理學以古聖賢自期孝友忠愛雅爲鄉評所推所著有五城集左輔字弼之弘治丙辰舉進士授浮梁令時景德鎮民相構爲亂輔爲開諭禍福衆遂解散調景陵遷瑞州府同知因忤瑾黨謫南安府學教授再謫南城瑾誅起知寧州謝歸獨寓沙園以述作自娛輔爲人恬靜端慤讀書探究理性所著有周易本義附說太極後圖南庠日講等集藏于家

寧國瞿研先生不知其何許人亦不詳其姓字相傳魏之故將晉太和間隱居寧國之文脊山山有

瞿劬石先生所常坐人因以爲號桓温聞而造之見先生披鹿裘坐石室神色不撓異之乃命伏滔爲之銘贊而還王平字夷中家貧力田讀書登宋熙寧九年進士邑有進士自平始除韜畧尉邑民與寺僧爭水利不決平曰水源出於寺寺所利者磴碾耳民所資者畎澮利莫大焉遂以與民後移江寧令卒章夏字彥明性至孝工爲古詩入太學預開封府薦第一登宋大觀三年進士歷官潭州通判所至有惠愛然不事表襮以故人少有知者

著湘潭集十卷章復字季常力學好修登宋宣和六年進士調丹陽令嘗修練湖督役有方民不告勞紹興中累官端明殿學士簽書樞密院歷知太平婺州所至以廉惠稱尋奉祠卒曾孫一貴亦好學登第除太平州司理與守爭囚是非拂衣歸仕終餘杭丞方致堯邑之方坑人宋建炎中叛將戚方寇寧國致堯糾率鄉兵伏石嶺隘處以待之賊至兵稍交因以計陷賊于淖田大破之傷其白馬貴將致堯亦中流矢卧不能起賊益兵至遂爲所

執方知其勇欲召以爲將致堯罵曰我豈從叛賊
反耶賊斲其首而去紹興中邑令李椿上其事賜
謚義烈詔立祠祀之虞儔字壽老父璠儔尚節
隱居西山有高士風儔亦孤介不苟宋隆興初舉
進士歷官績溪令飲食服用悉取給于家諸司上
其治狀累遷監察御史排擊貴近朝紀肅然出爲
浙東提刑知湖州推行荒政多所全活後終兵部
侍郎所著有尊白集二十四卷弟佃亦能詩仕至
欽天監丞奚士遜字謙之宋淳熙乙未與兄士達

同舉進士累官至大理卿會韓侂胄死史彌遠議
起大獄士遜曰侂胄誠奸邪若欲加以大逆非士
遜所知由是忤指罷歸子祝亦舉進士佐郡邑有
聲次子槩累官常德守孫滅補房陵尉鄭魏挺字
景烈父可與從父吏部郎中升同師逸平徐誠叟
因得聞楊龜山緒論魏挺早承家學宋嘉定甲戌
始登進士辟江淮提舉司幕杜絕餽遺未嘗以貧
窶爲意遂引疾歸臺章交薦除國子監書庫官兼
皇后宅教授力辭年八十卒所著有提身粹言二

卷讀書通說五卷子希聲亦舉進士終蘄州通判
饒虎臣字宗召宋太師良傅之子母吉國夫人王
將浴見碧蛇在盤遂感孕而生及長丰骨魁聳聲
如洪鐘嘉定甲戌舉進士歷澧州推官魏了翁一
見奇之薦于荆闈辟京西安撫司幕累遷司農少
卿兼知建寧府被命就道大雨彌旬虎臣憂曰民
其魚鱉乎到卽分遣官吏撫輯之所全活者數萬
人在郡勤心庶務興學校增城壁節冗費府藏積
至五十餘萬仕終參知政事殿中侍御史以資政

殿學士致仕卒之日無以爲葬至鬻賜噐焉子鉢
鋼鉉孫徹浚俱補官萬文勝字彬叔少儻有大
志身長六尺五寸鬚髯如戟從軍不十年以功累
官福州觀察使總殿前諸軍宋理宗嘗飛白書忠
實二字賜之卒贈開府儀同三司武安節度使子
邁亦力學好脩雖將家子而雅靖恒如儒生胡伯
虎字用之總角以詩賦應科已獵獵有聲長從呂
東萊游稱爲高第兩預鄉薦推恩授迪功郎白鹿
山長後登宋淳祐丁未進士除和州防禦判官弟

季虎用虎先三年同舉進士季虎累官徽州倅權發遣桂陽軍用虎太府少卿葛拱辰字宗極少負才能居常自奮思有以見于世孝親睦族納交名士元大德六年以皇太后宿衛士降旨授本路總管府治中改將仕郎歙縣丞焯有能譽仕終常山令

旌德方元蕩以武畧顯唐永貞中自左神策將軍授冠軍大將軍後從征河北討淮西皆有功累官至光祿大夫檢校右散騎常侍封義成郡王加淮

西隴右節度使居京師舒雅字子正在南唐時以文賦爲韓熙載所知及熙載知貢舉雅擢第一入宋爲秘閣校理初太宗聚書秘閣選用名儒典校雅實與焉遷知舒州雅愛瀟嶽山水之勝乞主管靈仙觀從之汪齊字子思性沉篤好學登宋慶曆丙戌進士歷官靖安沈丘弋陽三邑令所至有惠愛累遷尚書都官員外郎時行青苗法齊詣朝堂力言其不便王安石怒曰此法便於天下獨公兼并之家自不便耳安石知齊家素饒故以此拆之

久之出判池州轉屯田郎中致仕汪澥字仲容少從胡瑗學易討論王弼以下諸儒之說推而廣之復從王安石游安石著三經義傳澥嘗與議焉元豐八年登第調懷寧簿再轉知歙縣鎮靜不擾嘗擿偽券及爲民築隄障民咸德之累遷中書舍人大司成兼侍讀以議學制不合出守歷潁昌陳壽三州徙應天尋奉祠歸所著有詩書孟子解義二十卷文集二十卷樂章一卷詔誥三卷其學多本于新經義云呂鏗字夢祥幼孤事母以孝聞操行

端介嘗游宿毫間過潘氏不御酒肉潘怪問之鏗曰鏗遠遊親養弗給而敢自享厚饌乎比去潘贖以金不受有識者賢之政和三年入京師上書請嚴生子不舉之禁宣和初復論之遂著爲令初鏗從弟鉞爲鏗著實德居士傳臨海陳傑又爲著卓行錄以故中朝多知鏗者至是以布衣登朝氣度魁偉談辯琅然宰相問曰公非所謂實德居士者耶卽薦授潞州士曹調鳳翔府判官鉞亦兩領鄉薦仕至雄州司戶以親老辭汪汝則字叔方嗜學

能屬文宋宣和初除蕪湖縣丞以助平方臘功改
衢州士曹遷承直郎秩滿判紹興府以不附秦檜
守祠起知信州徙衢州時臣僚有登對論郡守人
才者上曰使人人如汪汝則何患不治尋以疾丐
歸鮑琢爲人剛直尚節宋宣和中方臘寇旌德琢
糾義兵擊破之後賊張遇逼黃池州人大震郡守
李好問檄諸邑以兵來衛衆推琢爲首琢部署嚴
整若宿練紀律者賊退以功補承信郎文明年賊
盧進寇涇琢復率兵力戰中流矢卒里人立祠祀

之汪燿字晦之穎悟力學宋淳熙中舉進士倅江
陵郡郡有三海八櫃恃爲險固豪右據以爲田燿
力復之時券法初變燿乃流通錢幣文築寸金堤
以捍江政蹟甚偉稍遷監左帑輒棄歸時論惜之
汪注字東之內行純潔尤嗜學記問淹洽登宋咸
淳四年進士調青陽簿不赴子冒文温州路教授
梅鶚字百一少貧力學正德丁丑舉進士平生好
觀奇書博綜群籍爲文竒葩出塵一時人多慕之
其所論著率能究極理蘊尤習堪輿家言然短于

酬世家人相與則翕合也未及祿仕而卒文多散
逸今藏于家者纔四卷張道榮字文魁性孝友祖
貞應遭疾道榮以身代爲禱父景宗患痢親爲除
穢及卒柴毀骨立結廬殯所者三年正德壬申有
司上其事詔旌表其門

太平王行之字才仲仕宋爲婺州士曹宣和三年
方臘餘黨寇婺州蘭溪吳邦彥應之守臣皆遁去
行之曰吾獄官也守吾職死乃其分爾遂遇害事
聞贈通直郎賜布帛官其子一人李材字達才宋

宣和三年北虜圍太原材以太學生伏闕上書言
三關四鎮國家根本之地宜速遣偏師倍道趨鴈
門入定襄復忻代截石頭關絕虜歸路俾其腹背
受敵虜可滅也朝議以爲然命陳淬武漢英將兵
徑收忻代材以布衣叅戎幕漢英軍駐五臺山南
與粘罕遇罕軍數萬聲勢甚盛疑漢有伏兵終不
敢逼全軍而還材謀居多焉太原旣陷居人各保
山寨材說其首領約從固守以俟王師之至建炎
初詣行在詔補迪功郎除遂安令後歷宿松建德

樂平三邑皆有聲仕終蘄州通判孫楸字德操宋
紹興甲戌舉進士歷判池真郢三州所至以興學
節財爲務及入覲高宗申獎曰天下有卹而辦有
不卹而辦卿所謂卹而辦者也嘗論公生明上問
何以生公曰廉生公又問何以生廉曰儉生廉上
稱善累遷知太平州尋移温州學宮故有秦檜祠
楸至亟命撤之朱晦庵稱其愛立而教明古良吏
也後以韓侂胄用事謝官歸焦炳炎字濟甫弱冠
通經史善屬文宋嘉定庚辰登右科賜武舉出身

授承節郎調蘄水令有能聲再登淳祐元年進士
及第除直秘閣知袁州新喻尉楊大明嘗肆霍孀
婦炳炎奏竄之豪吏懾息後除右正言以言事忤
當軸遷太常少卿作詩貽知舊云事至諫官言不
得身爲宰相有何榮卽拂衣歸弟煥炎字晦甫少
與兄同業紹定二年擢武科第一除閣門舍人兼
淮西制司計議撫督有恩人樂爲用後差知池州
兼沿江制置省劄令迫逐沿江流民煥炎備陳難
苦不忍逐狀因疏撫綏之策朝廷嘉納之仕終武

功大夫知鎮江府章琰字子美宋寶慶丙戌進士
歷官鎮江通判有治聲差知常州召還拜殿中侍
御史彈擊無所避尋出爲江西安撫使知江州以
忤丁大全解職再召辭不起汪文炳字炳叔國
初天兵渡江隨撫諭官孫炎入謁授秘書典籤講
說稱旨除都昌知縣時陳友諒以兵來攻援絕被
執賊奇其才欲官之不受遂抗詈而死
閨德雖隱足以坊俗從一之教古今一也今列其
昭白可紀者五十有八人

宣城無名氏梁天監中宣城某氏女與母共寢母
爲猛獸所攫女啼號搏獸行數十里獸毛盡落乃
置其母而去女抱母氣尚微屬經時乃絕太守蕭
琮上其事詔旌表其門饒氏宋叅政虎臣孫女年
二十適宣城吳寶信仕宋爲龍泉令饒嫁甫七日
元兵犯浙寶信從張世傑等奉二王浮海死饒氏
畧無他志撫姪鉉爲夫後身以壽終葛妙貞元時
民家女年九歲聞術者言母年五十當死卽啼泣
請禱誓不復嫁終身茹素祈延母壽母後年八十

一卒事聞詔褒異之表氏元趙十一之妻年二十
生男甫一歲而夫亡表氏厲節撫成其子年六十
二終詔賜旌表紀氏字催弟吉甫之女年及笄未
嫁元至正乙未長槍賊陷宣州爲周力兒者所擄
催弟不從以首觸墻壁血流被面且泣曰我寧死
於此周遂殺之同時有胡氏者年色方盛賊攻城
時胡預剪髮自毀及城陷徐先鋒者刼令同騎而
出胡號泣不從徐抱愈急胡嚙徐指立斷流血淋
漓徐怒殺之胡氏宋景銘之妻年二十四而夫亡

其後孫伯善妻表氏吳賢生妻張氏皆早寡子幼
並以節終宣德正統間詔各旌其門丁氏楊彥亨
之妻永樂戊戌彥亨以事如京師客死丁年二十
有一子伋生纔八月誓無二心垂四十餘年恒如
一日文陳祖慶妻汪氏曾金寶妻李氏顧士民妻
姜氏俱少寡所遭不幸無異丁氏皆能操志靡他
李撫孤延壽以文學顯三婦子並亦成立吳氏楊
逢之妻逢嘗出爲王氏後早卒吳旣奉王氏姑復
迎夫生母梅氏養之皆得其懽心有強之嫁者輒

應聲曰汝殺吾二姑邪竟以老終子瓘亦有鄉譽
趙氏吳彥懋之妻早寡三子峯陵崙俱幼其後三
子者皆甫婚而歿崙妻戚陵妻魏崙妻劉皆能操
節協德于姑各以壽終趙氏之後有劉氏者本富
家子嫁庠生王璉年二十五而寡撫遺腹子子聖
秉志激烈言及其夫者輒悲號隕地璉兄璟妻孫
氏弟琇妻陶氏亦早寡與劉氏俱以節稱此數婦
者皆相觀而成人以爲難楊氏劉孝三之妻年十
九夫亡無子家復貧甚夫家本邊卒家丁雖盡戍

籍猶存歲有清勾之擾楊悉力營辦父母憐其苦
屢諷之嫁楊堅持初志備極辛勞年八十餘終里
族哀而殮之陡門婦不知何氏女居陡門中正德
三年宣上大旱陡門婦偕夫行乞于金寶圩至陡
門所夫約曰若居此吾得食當還飼汝夫去數日
不返圩人唐甲者悅其貌心冀之邀與俱歸婦不
可繼而遣妻孥數輩誘致之堅不往與之食終亦
不食無何饑困就飲于河一蹶而死里人貢汝成
嘗傳其事陳氏字富弟郭詳之妻年二十二夫亡

以節終同時有梅氏六娘者胡永泰之妻年二十
三而寡撫孤賀賀死復撫賀子鈿竟以成立而陳
氏當正德間先被旌表云

南陵趙氏元李義實妻年二十四夫亡勵志秉節
以終其身事聞詔賜旌表張觀娘國初何彭童之
妻年二十九夫亡事姑訓子以節聞宣德間詔旌
其門其後有張妙清者劉定妻也年十八而寡僅
遺一女卒無二志有欲奪其操者以死拒之嘉靖
甲申亦賜旌表如二婦者妙清處其難矣

涇梅氏洪勝可之妻唐末夫死黃巢之亂賊且逼
梅梅誓死不從白馬將軍見而奇之曰吾軍衆多
恐卒受污因殺之以全其節涇人立廟祀之號爲
香心五娘蘇氏本朝愈秉衷之妻年二十六而寡
無子誓不復嫁奉舅姑如夫存時姑老多疾無他
備養獨賴蘇以全時人稱爲節孝蕭氏字義貞趙
敬忠之妻年甫十七而寡撫遺腹子以老卒成貞
操又吳紹芳妻吳氏鄭謙妻唐氏王達妻施氏俱
早寡亦以節稱天順成化間俱賜旌表吳氏王清

安之妻歸甫再時而王歿時年二十三矢志弗貳
所生遺腹子亦不育吳終不爲變人咸稱之章氏
童寬濟之妾寬爲萬載令卒于官時章氏年二十
餘荼痛求死念寬無後且嫡不在官乃扶櫬而歸
舟中坐卧不離棺側將抵涇川遣人報嫡至則悉
取窀穸付之束髮易衣伺舁棺起卽自投于河而
死鄭氏字能貞唐初和之妻年十九而寡家貧無
子勵志益堅居常不治膏沐與親戚言不踰門闕
年八十三而終

寧國劉氏宋鄭魏挺之妻姑性嚴峻劉事之獨得
其歡心姑卧疾者五載劉日夜侍衣不解帶晨興
必露禱於天比卒脫簪珥助夫營葬茹素三年哀
動鄰里後以夫子貴累封恭人胡氏字妙觀國初
楊仲庸之妻年二十四夫亡子忠尚幼遭兵亂依
父竄山澤中流離饑餓志不少變後盜發舅姑塚
妙觀冒兵險收遺骸以葬同時有胡氏者葛之孚
妻也年二十二而寡孤觀稍長亦死胡與婦施氏
相勵以節洪武末三婦俱賜旌表金氏字妙淑胡

選孫之妻年十六歸于胡胡有痼疾偃卧牀褥時
安吉叛軍突至家人惶怖出走金獨侍夫不去後
夫歿金年甫十八無子持志甚堅終其身不變同
時有陳氏俞彥遠之妻年二十六而寡時兵興歲
歉陳掘草根食之兼苦疾疫終不爲變奉舅姑撫
弱子以全節終二婦亦洪武末同被旌表胡氏字
貴娘程福生之妻夫亡無子年甫十九又汪璿妻
賀氏寡時年二十四俱以節壽終

十二夫亡二姑皆相繼歿治喪營葬執禮無愆鄉
里稱焉至元中詔旌表其門程氏字接鸞本朝呂
銓之妻年二十一夫亡子慶岳俱幼操志端潔撫
二孤以節壽終鮑氏字斯男胡仲和妻陸氏張友
深妻張氏字全安庠生劉旭妻李氏字招弟郭營
妻俱少寡操節甚堅弘治嘉靖間詔旌其門而張
李二婦皆無子張倚妾胡氏遺腹子二孀相吊卒
成其志爲時所稱

太平陳氏元海寧尉孫玉翁之妻年二十九夫亡

矢志不貳年八十餘尚書汪澤民嘗爲之作傳孫
氏字定貞本朝程鸞妻孫氏字改英王栢妻盛氏
字錢貞陳祐妻俱早寡常以死自誓終無二心栢
妻無子盛嫁纔三月尤人所難後俱以壽終栢妹
王氏亦以孀節與嫂孫同稱

寧國府志卷之八

寧國府志卷之八

直隸寧國府知府任丘黎晨校刊

人文紀下

今制以科貢求士士由此出宜有特紀合進士鄉

貢歲貢九百一十二人

府學舉人洪武中駱善

表州學正

侯汝

監察御史

阮誠

州保德學

正己卯以上

永樂中陳銓

南昌府學教授

李純

星子縣學訓導

張紳

大庾縣

許森以上俱

森登甲午進士

陳幹交江趾

衛經

董墳

華容縣學教諭

李芳

沈穆

以上俱酉科

吳愷

王伴府讀

寧國府志卷八下

俱辛卯科

韋經

趙麟

林敬

國子監典籍

張簡

束鹿縣學教諭

張

徐岩仕跡見前

臧信

浙江市船提舉

陳貴

全州州知

陶鎔

保安州同

啓撫州府同知

陳祥

戶部郎中

陸通

以上俱甲午科

通登

辛丑進士

宣德中汪深

丙午府同知

施茂

己酉府西

張勇

己卯

縣胙城縣丞

正統中夏政

戊午縣學訓導

王昌裔

辛酉縣知

周嵩

甲子河縣知縣

景泰中貢瑞

庚午府教

貢璧

癸酉

見仕跡

天順中陶悅

己卯科

董育

貢武

藍山縣知

魏

奇公安縣知

徐說

初名瓚

王達

以上俱壬午科

達後登

成化丙

成進士

武昌府知

說登

成化戊

成進士

仕跡見前

成化中

貢欽元解郭說通判府吳宗儒孫世欽知府以上同

庚子欽登甲辰進士見前弘治中吳宗周科壬子登

丙辰進士見前施鐸科甲子正德中王遵陸乾元

俱庚遵登辛未進士布政左貢汝成張緯知廣西

酉俱癸吳大本魏景星俱科丙大本後登嘉靖辛

已進士建今任福景星登癸未進士部南京兵嘉靖中

徐槐知榮澤縣徐瀚以上俱科張梁科乙酉萬鳳科戊子蕭

謚科辛卯羅雲漢麻瀛俱甲午科俱王達蕭

歲貢洪武中秦達部甲子工夏溥乙丑庫戶部慶萬惠

寧國府志卷八下

丙寅知冀孔繼善州丁卯高唐施禮辰戌駱福緣己巳監

戚遜趾己巳交梅輻庚午監董俊未辛程純壬申吳讓申壬

湖廣按察使胡文縣癸酉密雲芮麟癸酉見前李坦甲戌黃

中甲潘惟學乙亥見前劉存善乙亥兵杭楫丙子充

歷經沈濟州丙子徽周倫東任雲南景張曄丁丑見前汪彝

寅戊李泰己卯同湖廣周原庚辰梅霖辛巳長興劉慥壬午

順德府永樂中孫敏縣癸未嘉興余珏甲申旗手陶

鼎乙西通政汪懋縣乙酉新喻高翥丙戌交施有政

丙戌德安李盤縣丁亥沅陵余忠縣丁亥甌寧施大有

戊子武寧鄆魯趾戊子交盛璞己丑前仕梅行己丑單

李文郁庚寅榮縣孟恂庚辰新都校東昌梅愚辛卯烏撒軍

章魁辛卯沅官葉順壬辰新縣俞毅壬辰倪審得癸巳

府通姚儼癸巳楊善午甲丁耆午甲汪獻乙未陳禎乙徐傑

丙李疇申丙陳宅志丁學西訓導徐諒丁西雷州俞侃

戊嵇先戊戌胡祐己亥四目千董箎己亥曹聲庚子童慶

庚子王謙丑辛林虎臣丑辛陸晉都壬寅斷事蕭宏癸卯南

中郎李寧甲辰陽江洪熙中鄒敬己巳宣德中崔迪丙

興化府于拱辰未丁顧文吉申戊任禮己酉黃耆年戊庚汪

寧國府志卷八下

淋亥辛杭宗道壬子張英壬子芮儀癸丑州蔡希賢丑癸朱

瑾府甲寅登州周灝府甲寅河州周逵府乙卯大名周爵

乙卯龍虎正統中顏暄丙辰武強張彬丁巳斷事

衛經歷俞信未己孫通庚申臨清吳緩辛酉

縣知趙敏壬戌單田文壬戌彭亮亥癸鄭守中甲凌友

志丑乙馮志遠寅丙梅瑛卯丁劉鑑戊辰吳縉己巳景泰中錢

貴縣庚午丘山謝寬未辛馮琮申壬陶璫酉癸侯墳戌甲王圮

乙亥磨饒州湯倫府丙子廣平天順中林鑑丁丑臨漳

張肅戊寅江夏劉誠己卯寶定汪深庚辰陳俊辛巳

縣知 夏實 午壬 顧忠 未癸 張本 跡甲 見申 前仕 吳宗文 徐熊

縣丞 孫春 經歷 府 徐諒 縣丞 陳英 大使 局 徐懃

縣丞 孫儒 訓導 學 劉貴 劉能 杜裕 縣丞 周銘

吏目 申 以上 十 一人 成化 中 梅實 州 乙 酉 同 知 武 岡 馮 顥

丙戌 縣丞 汪善 縣丞 德 阮仁寬 戊 子 縣 儲瑗 己 丑 林

歷經 陳瑄 學 訓 導 垣 縣 程洪 縣 主 簿 萬 載 雷迪 辰 壬 陶 礪

府 癸巳 磨 信 林鋼 縣 甲 午 龍 游 劉 銀 府 乙 未 饒 州 丁 儲 申 丙

州 庚子 晉 寧 徐愈 丑 辛 阮准 縣 壬 寅 簿 嶮 夏寅 卯 癸 錢選 夏 寅 死 以 寅

之選 補 孫日洪 縣 甲 辰 大 姚 衛鑾 乙 巳 縣 丞 楊瑞 午 丙 汪鉉

縣 丁未 訓 導 溝 弘治 中 孟禮 縣 戊 申 主 簿 江 山 張 玲 乙 酉 經 歷

貢鉉 縣 庚戌 長 沙 王度 府 辛 亥 大 同 朱 巘 縣 壬 子 應 城 胡

俞民 癸丑 烏 撒 軍 陳銳 甲 寅 提 舉 林 鍾 州 乙 卯 福 寧 汪

巨源 丙辰 福 建 布 劉學古 丁 巳 金 鄉 劉景 丁 巳 縣 秀

丞 丁穆 縣 戊午 歸 安 徐珊 午 戊 梅 淑 未 己 顧 譽 未 己 貢 鎬 申 庚

縣 齊河 縣 曹世儒 縣 辛 酉 東 陽 張 儒 戌 壬 芮 元 亥 癸 梅 霖 子 甲

縣 餘干 縣 黃堂 縣 乙 丑 利 津 正 德 中 曹 世 奇 府 丙 寅 學 訓 導 州

趙熙 卯 丁 劉 勗 戊 辰 跡 見 前 仕 方 袞 縣 己 巳 縣 故 城 楊 汝 舟 午 庚 貢

寧國府志卷八下

鈿辛未尉氏 顧榮右衛 申虎歷貢 貢錕 錕癸酉 簿內黃

甲學教諭 全珊亥乙 周旭子丙 楊鵬縣丁 丑建德 王允謙

丁李時 汪瓏縣己卯 吳棻辰庚 徐槐辰庚 汪本德

辛陶轍 嘉靖中 劉珊未癸 劉璞未癸 徐翱申甲 陳大林

乙楊槩 徐諮亥丁 陶鎡子戊 貢鈞丑己 羅彥榮寅庚 張柯

辛戚衮 沈天民辰壬 楊文燁巳癸 麻值巳癸 楊棟午甲

宣城縣學舉人 洪武中 陳迪乙卯 見前科仕 永樂中 莫

未汪亮 張昇州甲午 趙丁亨科丁酉 登甲辰進

福刑科給 陶欽知廣東 儲詠 徐昶知任縣 朱宗俱以上

士御史 章禧科庚子 汪誼院癸卯 司務初姓 洪都察 宣德中 崔

啓科壬子 正統中 陶愷科丁卯 景泰中 曹瓚庚午 學科高

導沈和 復姓崔癸酉 科天順中 丁志昇科己卯 成化

中崔廣 縣知縣 鄭李忠甲午 縣宣趙瑞丁酉 科仕

陳筐 丁府襄 張綸卯順 天癸登甲辰進士見前 跡弘

治中王盖科乙卯 登己未進士戶科 給貢珊 劉貢

俱科辛 珊後登正德辛未進士見前 跡陸槐太僕寺 鍾

庚子俱 正德中 劉贊都丁卯 通科成 戚濟科庚午 張榦順

科張軋 順科天癸 吳鵬舉科丙子 嘉靖中 吳希賢午壬

寧國府志卷八下

科 徐泳 科甲午 徐祚 子順天 戊 登乙未 進士 淳 初有宋 何咸

及第者 時偕其兄 中談其後 稍絕登進 矣

歲貢 洪武中 蔣賓興 太僕寺少卿 魏鑑 知上元縣 陳

旺 知黃州府 蘇俊 典將樂縣 殷禮 經成府 王賓 通判州府

張翼 新寧縣 李完 學上蔡縣 錢簡 縣交趾陽 吳集 滋陽

導訓 汪思齊 知瓊山縣 王訓 主刑部 曹銓 胡敏 知象山縣

張闌 南蜜縣 劉恕 見仕前跡 邵鑑 司知廣事 按察 吳江 縣分宜

縣 謝斌 同撫州府 汪澤 知南豐縣 王睿 湖廣 汪讓 縣湘陰

縣 劉尉 縣東陽縣 管貴 縣電白 王允中 城中書 丞柘 正統中

寧國府志卷八下

王璘 壬戌未陽 吳宗澤 子甲寅 王銓 丙寅 萬載 陶讓 辰

吏目 州 胡政 庚午 景泰中 戴誠 未辛 陳英 壬申 平海 趙遜

府 癸酉 後 楊琳 乙亥 遵化 天順中 郭璨 審丁丑 韓府 許

瓚 己卯 章鐸 辛巳 真定 王文 癸未 丞 許縉 姚州 黑鹽

戚棻 縣丞 高昂 陸經 縣丞 吳鎬 縣丞 王亨 萊蕪 學

教諭 申年 以上六人 俱 成化中 唐瓚 乙酉 浦城 汪文

政司 副理 布問 李忠 宣己丑 後中鄉試 崔璽 卯辛 張凱 巳

東平州 馬驤 乙未 秀水 柯霖 丁酉 沈銓 己亥 蒙陰 萬

璉 辛丑 僊遊 周顥 壬寅 羅山 後顯 癸卯 零陵 王豪

乙州已判湖廣弘治中仲海未丁湯顯己酉教諭清陳葵心

辛亥新淦劉汝瞻丙辰前仕奚誌午戊王爵未己汪昌申庚

進賢縣梅玉辛酉潘欽壬戌臨安管文舉甲子仕正

德中王彥丙寅曹王植辰戊劉琰庚午汪大倫壬

遂昌縣陳瓏甲戌學訓導陰趙璨丙子都事貢鎮寅戊潘

瑛己汪義剛庚辰趙勳辛巳嘉靖中方昇壬午胡澄申甲許

相丙洪鳳子戊楊載芳庚寅杭暉壬辰劉鑄巳癸郭忠顯午甲

南陵縣學舉人永樂中李開山陰縣范懋仕跡見

上俱乙孫貴甲午謝勝丁酉宣德中谷敬丙午府科

學教王憲壬子諭科章俊乙卯同知漳景泰中管淳

庚午科成化中孫昊知海鹽縣陳效丁酉科俱效登

辛丑進士興化府弘治中陳孜寧州范如崗復

方吳景壬子俱景登丙辰進士仕跡張鈞戊午縣

知縣崔雲辛酉恩縣復姓正德中王木丁卯科廣周儀

庚午科宣張真丙子真後登嘉靖丙戌進士延今任

平縣知縣嘉靖中汪景科戊子

知府同嘉靖中汪景科戊子

歲貢洪武中謝敬知海寧縣葉濬九府黃允院都司察

務馬興都察院邵演龍里衛周濟海豐縣丁鑄江浙

寧國府志卷八下

判鹽運司 吳澄 徐魯詹 知餘姚縣 馬文博 司陝西按察

李弼 郎刑部 徐衡 郎工部 永樂中 王衡 張紳 知縣 汪

漢 濟東縣 韓文靜 知遵化縣 董暹 永清縣 殷禮 吳

郁 夏震 丁煥 袁政 駱恭 黃傑 戴友

恭 大理寺 正統中 錢本 邵武府 戴恕 沂州 解永清

知曲江縣 秦育 景泰中 張銓 秦銘 陝西布政 何

中 署光祿寺 天順中 劉信 南京旗手 朱黼 王志 州霸

官判 何錙 方興 上蘭陽縣 知縣 秦環 司副使 鹽運

谷 信 同昆陽州 朱肇 經歷 衛 俞金 雷州府 范岳 縣丞

寧國府志卷八下 八

陳 哲 甲申 知縣 劉文顯 縣丞 劉汴 八人 俱主簿 申 年 以上

例 克 成化中 張崧 縣丞 李節 丁亥 縣 凌雲 丑 己

主簿 豐 縣 劉鎡 卯 辛 慶 琪 縣丞 仁和 華芳 乙未 光山 高

昌 府 同 濟南 王 俊 己亥 縣丞 王溥 辛丑 訓導 李璋 壬寅 豐

丞 縣 吳 登 卯 癸 俞 清 乙巳 縣丞 弘 治 中 劉 瓚 丁未 葉 鉉

己 西 辰 溪 陶 鑾 州 辛 亥 裕 徐 苓 丑 癸 朱 倫 乙卯 信 宜 崔

鑰 丙辰 主簿 江 阮 璉 州 戊 午 陳 馬 儒 己未 龍 游 俞 慶 庚

縣 甌 寧 縣 楊 森 州 辛 酉 高 唐 李 文 祥 州 壬 戌 臨 清 徐 俊 甲

通 潯 州 府 正 德 中 高 俸 州 丙 寅 同 知 臨 清 方 錙 州 戊 辰 荆 門 王

恩庚午任簿丘陳坤壬申弋陽錢貴甲戌斷事朱

琥丙子冀州劉梁戊寅益州馬湘庚辰高鑣辛巳嘉

靖中何僖壬午西馬城張鑰甲申吳達丙戌陳堪戊子嘉興

王弘道庚寅吳鎮壬辰陶宗儒癸巳曹瀚甲午

涇縣學舉人洪武中劉泳獻諭宗廣俱癸卯鄭瀾

科壬午瀾後登永樂甲申進士戶科給事中永樂中邵貧

州乙酉同知鄭程富戊子科趙彬王淵俱辛卯劉

伯大甲午伯大後登宣德甲寅進士監察御史宣德中

左景丙午科曹定己酉正統中劉伯謙福清

寧國府志卷八下

縣王珩瓊州府同知趙璿甲子景泰中趙昌

庚午登甲戌進士仕前跡左燁癸酉登天順甲申進

士彰德府天順中徐旭壬申蕭貴壬午成化中董

綱左然俱辛卯綱登壬辰進士雲南按察然後登

弘治庚戌進士戶部員外郎董傑丁酉登丁未進士仕

見沈淮甲午登丁未進士益都縣童寬癸卯登丁

未進士萬載縣趙履祥丙午登庚戌進士察司

事弘治中徐賢徐冠使俱壬子左暹戊午

通昌府判左輔乙卯登丙辰進士仕前跡章嵩徐瓚

按察司 王輔臨 俱安乙府推官 嵩登乙丑進士 主戶部董

銀穀城縣 董珪 俱鈞州同知 趙琨 贛州府 倪鶚 俱

西科 鶚後登正德丁丑進士 鎮遠府 正德中蕭瑞 卯丁

科 登戊辰進士 福建布政 沈奎 己卯 登辛巳進士

岳州府 嘉靖中董鋹 壬午 登癸未進士 桐鄉縣 董

乙酉 王廷幹 左鎰 俱科辛 並登壬辰進士 任瑄 今

鹽縣知縣 鎰兵部武選 人 歲貢洪武中周莊 甲子 童砥 乙丑 童正蒙 丙寅 鄭鑒 卯丁 張

繼 己巳 郭辛 未辛 王昱 酉癸 王著 甲戌 雲南按 汪祖慶 亥乙

寧國府志卷八下 十

知縣 左洋 丙子 應天 汪原溥 丑丁 璩 新源 辰庚 永樂中

汪繹 府推官 真定 程魁 乙酉 同知 璩 通 丙戌 胡康 丁亥 郎中

昌後 子戊 陳傑 己丑 嶧 吳紹 庚寅 曹 章圓 卯辛 汪安 壬辰

湯清 巳癸 方昇 子庚 胡春 卯癸 宣德中沈永 丙午 吳祥 申戊 吳

禮州 庚戌 吏目 趙榮 亥辛 王溥 壬子 本官 曹晟 甲寅 吏目 鄭璵

乙卯 學訓導 正統中曹慶 州同 化 俞廣 庚申 縣 潘滿 壬戌

知事 左慶 甲子 經 左茂 丙寅 曹暹 辰戌 景泰中施聰 午庚

左毅 縣主簿 倪敬 壬申 縣 王崇 癸酉 蕭韶 州判 天

順中王軒 丑丁 蕭鳳 卯乙 周鼎 巳辛 張南 縣丞 暨 施訓

江富 沈澤 王吉 趙智詳 徐友以俱上六

申年奉 成化中張昶乙酉永安州知州 郭興丁亥台州府經歷 王

例克貢 恍己丑鄭輝辛卯柳州府同知 王迪癸巳鄭熙乙未金谿縣丞 程恕

丁酉同安 袁智己亥吏目 鄭齡辛丑主簿 曹國英癸卯

縣主 徐賢乙巳後領 弘治中曹國賓丁未德慶

簿 趙瑞己酉處州府照磨 董奇辛亥福建都事 左暹癸丑後領 趙廷祥乙卯 董魁丁巳 董元戊午 趙寵己未 沈椿庚申 左點壬戌

名山縣 張霞甲子餘杭縣主簿 正德中王大韶丙寅 陳思明

戊辰臨江 左壁庚午 蕭迪甲戌徐和縣學教諭 王爵丙子岳州府學訓導

寧國府志卷八下

左達戊寅 陳暘庚辰 董鋹辛巳後進士 嘉靖中徐顯壬午海

縣 蕭圖癸未 施仁甲申 趙渙丙戌 倪鰲戊子 董鑾庚寅 沈御壬辰

王鑑癸巳 董謙甲午

寧國縣學舉人 洪武中張祖己卯科王 永樂中柯

長 諸暨縣 朱宗臨安縣學教諭 夏大有未詳 登戊

戊進士 宣德中柯森朝城縣學訓導 饒駙赤水縣俱 己酉

科 弘治中胡壁己酉科 胡琇 段善溫江俱 戊午科

正德中袁澤丁卯城縣知縣 嘉靖中楊嘉慶乙酉福州府

通判 胡廷玉戊子科

歲貢洪武中侯騏子甲饒基丑乙余啟丙寅事刑高敏卯丁

梅奇州己巳景州程元未辛饒璣縣癸酉福山施政甲戌靜

簿陳仁亥乙李濟子丙萬輝丑丁汪鉉庚辰寧永樂中

洪禧縣癸未桂東梅鼎府乙酉瓊州王基丙戌荊州楊

綬中丁亥神武歷胡讓子戊汪潛丑己于信庚寅汪蔭卯辛畢昭

壬辰王咨巳癸萬傳午甲管忠未乙管賢申丙張暕丁酉諸暨

陳昱戌錢長亥己汪綬司浙江按察吳鑑杞縣汪清清河

縣導學郎昭沙河縣張翥以松溪縣丞世正統中楊

瑛縣辰臨川景泰中王讓午庚侯冲未辛洪榮壬申忠

寧國府志卷八下 十二

洪盛西癸楊勉州甲戌瀆胡祺丙子縣戎天順中汪顥辰庚

全知州趙文午壬姚廠柳昌所吏江千戶吳俊人俱上三

申年貢成化中高昱酉乙汪祥縣丁亥咸寧虞隆丑己包

瑞卯辛胡潮巳癸于縉未乙虞景酉丁汪敏縣己亥貴溪汪宗

辛丑廣昌吳熙府癸卯杭州段公度縣乙巳遂安弘治

中柴蕙縣丁未新成胡仕榮酉己虞玘縣辛亥信宜楊憲

癸丑嚴州趙麟縣乙卯南靖饒志岳府丁巳衡州胡瑾

戊午博平鮑珉縣庚申瑞金王勤壬戌樂清楊琳子甲

大名府正德中趙璧寅丙王亨戌辰宣海寧縣學許縉

通判

庚午福建胡福州壬申曹表岳府甲戌判雷州吳明青丙子

縣主葛仲英縣戊寅永寧殷相府己卯永昌汪瓊辰庚胡

曉辛巳嘉靖中汪瑾壬午袁瀚癸未許萬里丙戌胡文源戊子

王珂庚寅葛銳癸巳朱大有甲午

旌德縣學舉人宣德中汪胤丙午縣學訓導齊東曾謹配

科增城縣王瑄乙卯學科遼東前姚裕乙卯院科翰正

統中王郁順天府丁卯科天順中江賓己卯科學訓導文安

江漢姚光顯嶧縣壬午科漢後登成化壬辰進

士寶慶府成化中姚光啟臨清州江溥洧縣俱學教

寧國府志卷八下 十三

午弘治中王矩己酉學訓導鄱陽江文奎壬子張斯昌

知惠安縣張斯曷臨化縣乙卯科張蹈德戊午張大鵬

知鉛山縣江文敏甲子科俱文敏登乙丑進士四川副按

使正德中汪瑛梅鶚俱丁卯瑛登戊辰進士福建按察

司副鶚登丁丑進士仕跡江文中今任察司經歷梅

驚今任武昌縣知縣汪堅丙子登辛巳進士保定任

府知嘉靖中姚本戊子張廷傑江廷藻俱辛卯

歲貢洪武中呂原誠甲子戴源乙丑任堂丙寅汪文傑丁卯

吳鼎己巳鳳汪凱辛未李應功癸酉汪善應甲戌海謝

彦芳 亥乙 方 程 陽丙 巡子 檢 李 昌 府丁 教 授 周 汪 預 忠 庚辰 雲鎮 巡多

檢 永 樂 中 汪 朝 宗 趾癸 未交 縣 胡 志 誠 趾乙 知西 縣 劉 源 戌丙

交 趾 汪 澂 縣丁 亥永 豐 梅 友 惠 子戊 郭 純 己丑 縣 知 成 安 程

知 縣 汪 澂 縣丁 亥永 豐 梅 友 惠 子戊 郭 純 己丑 縣 知 成 安 程

榮 庚 寅 宋 濤 卯辛 程 應 祥 縣壬 辰石 門 鄭 亨 巳癸 程 顯 午甲 周

廉 乙 縣 未 平 湖 汪 溥 西丁 臧 傑 戌戊 宋 通 亥己 李 義 庚子 馮 賢

府 辛 丑 順 德 王 盛 縣壬 寅晉 江 程 文 府甲 辰保 寧 宣 德 中

程 昂 未丁 丁 安 酉己 方 讓 子壬 詹 誠 丑癸 葉 凱 盈甲 寅陝 西 豐

姚 滋 府乙 推 卯桂 林 正 統 中 姚 旻 縣戊 午寧 陵 郭 永 賢 申庚

張 春 州壬 判 戌磁 官 汪 永 懃 察甲 子廣 西 按 汪 志 寅丙 陳 昇 辰戊

主 河 間 縣 景 泰 中 吳 俊 縣庚 午南 宮 汪 禮 縣辛 未瑞 安 郭

賢 壬 申 倪 端 右癸 酉府 軍 任 鉷 都甲 司戍 福 建 行 陳 暄 曲乙 靖 亥

照 軍 府 天 順 中 李 浩 寅戊 王 淵 平庚 辰浙 江 太 朱 袞 午壬

方 景 昌 程 讓 芮 寧 汪 甫 江 清 呂 偉 上以

六 人 俱 甲 申 成 化 中 郭 崇 縣丁 亥雙 流 汪 潤 丑己 周 宣

卯 辛 汪 鑑 縣癸 巳分 宜 呂 溶 州乙 判未 官 陳 任 雷 酉丁 王 俊 亥己 江

宋 永 酉己 高 貴 亥辛 張 斯 昌 科後 鄉領 薦乙 卯 張 蹈 德 午後 科領 鄉 戊

薦 方 餘 慶 知雲 縣和 縣 任 機 主同 簿安 縣 姚 文 行 學寧 訓海 導州 李

寧國府志卷八下

景瑞 王裕 縣海鹽 喻廷芳 周舜夔 序鴻臚寺 丁

標昌嘉興府經歴張斯 正德中芮元 陳敦任 辰戌

東縣庚午湯谿 張鳴鳳 壬申黃岡 江文煥 劉德宏 戌甲

丙子嘉魚 劉琚 戊寅茗蓋 朱文質 庚辰固安 陳龍 辰諭

府辛巳袁州 嘉靖中姚瑞 壬午 姚世英 汪席仁 申甲 汪

志英 汪憲 府戊子溫州 汪志夔 庚寅 劉廷輔 壬辰 江象

癸巳 姚儒 甲午

太平縣學舉人洪武中王良 乙卯 蘇獻 王槐 壬俱

科午 槐後登永樂甲申進士 監御史 永樂中吳暹 乙酉

寧國府志卷八下 十五

湯濟 科戊子 景泰中程鵬 癸酉 弘治中李瓚 乙卯

學科高密縣 邵宗道 戊午 刻縣 正德中洪儒 丁卯 青田縣科

知縣方瓊 科丁卯 焦煜 癸酉 煜後登嘉靖癸未進士 今任

浙江按察 譚潛 己卯 嘉靖中方涯 乙酉 登己丑進

士 今任監御史 周怡 甲午

歲貢王才 知南海縣 孫商 福建按察 孫誠 寧晉縣 王

崇 知荏平縣 劉紳 主刑部 徐義 寧海縣 孫迪 知博平縣 胡

英 祠正 奉 管達 縣壽昌 王玘 大足縣 程曦 司判官 運

朱綽 鳳縣丞 趙真 廣東布政 朱勝宗 永州府 胡定 和香

縣知 劉皞 容城縣丞 張德成 永明縣知 胡福 九溪衛 鄭

或主 永康縣 湯至善 主簿 胡禎 利津縣 陳銓 潮州府

王紳 容城縣 諭教 俞永 維新縣丞 鄭義 南寧衛 黃續 長沙

歷 奚蔭 吏目 謝廣 蘭溪縣丞 黃鼎 黃榮 蔡曆 申

同知 府 陳常 崔貴 所牧馬千戶 楊芳 陳義 陳

紀 湯琥 劉觀 湯茂 王信 吳迪 馮亨

牛斗 杜廣 鳳瑞 王澐 保安州 奚文 漢川

縣 胡聰 金吾後 陳章 吏目 胡琮 海寧縣 杜弘 程

萬里 長沙衛 莫考 年世 弘治中 陳鎔 己酉 胡清 辛亥

定海衛 胡亨 癸丑 長史 鄭廷 乙卯 邵興 丁巳 廣東 王鸞

戊午 饒州 汪譽 己未 俞達 庚申 瑞金 任梅 壬戌 方星 甲

漳浦縣 正德中 孫汝 戊辰 汪麟 庚午 高安 陳珍 壬申 陸

州學 鄭樞 甲戌 天授 李華 丙子 商城 陳栢 戊寅 夏

訓導 王相 庚辰 目下 西 趙象 辛巳 樂陵 嘉靖中 程鉅 壬

王銳 甲申 方策 丙戌 王用 戊子 李健 庚寅 曹炳 壬辰 崔錦 癸巳 焦

煌 甲午

寧國府志卷之八 終